

313064



謝為霖字孝輔一字念蓼行人于宣長子也大父太僕
 當報王時為行人請恩卹并蔭一子念蓼已承任太僕
 入本朝而諱之時念蓼年少頗以大父所為非是謝
 氏自丁亥戊子而後貽禍鄉里幾不得預衣冠之列矣
 念蓼刻意求雪之於故國諸遺民虛己師友之於是高
 丈隱學李文果堂錢丈退山皆稍稍歎曰山公所謂天
 地間尚有消息者也引而進之謝氏之得免排斥自念
 蓼始念蓼少從應仲鵠受詩其古文亦有聲惜不永其
 年云

全祖望續甬上耆舊詩

三謝鼎足念蓼胸中書卷獨多其滇中遊歷所至有詩

予錄之不能盡萬里歸家十日而卒其時念夢詩已趨
古澹若天假以年與華野俱至者艾不至讓恕齋獨步
也全上

序

詩之以遊著者莫盛于康樂蓋性



旣耽山水又負曠世逸才足以抒

寫其耳目之所聞見故幽奇浩渺

之思一發于詩篇遂爲後世紀遊

之祖顧康樂生長東南足跡不出

吳越之區所歷不過始興括蒼諸
名勝而其登覽之作流連光景之
辭已工且富若此設令遠遊萬里
窮做詭之殊形採遐荒之異俗其
博奧不知更當何等也余姊婿念
蓼氏以康樂裔孫能詩好遊所至

事者念蓼不朽矣雖然念蓼姓望
推江左第一無論晉宋以來卽近
在尊大父象三先生起家進士仕
至太僕卿赫赫爲當時柱石尊先
公宣子先生接踵科名殉國難以
沒聲光爛然照耀千古從父今僉

憲存義先生高文甲第持玉尺而
簡群材念蓼以瑰奇卓犖之姿似
續其間視青紫不啻如拾地芥迺
數困場屋坎凜不得志從太學上
舍一官需次抱經術經世資無所
試徒役役風塵中借箸前席稍展

其生平蘊蓄而已嗟乎念蓼豈真
欲以詩自鳴耶余于念蓼屬在肺
附夙知其意念之所存而重傷其
不遇蓋能詩好遊皆其無聊之所
託耳寧與康樂爭伐山開道之奇
哉念蓼行且歸矣鑑湖一曲先人

之廬在焉藏書數萬卷向貯之于
胷者今不妨傳之于口使子弟風
流駸駸日上讀父書政不在取科
第然則能詩好遊卽謂之祖述康
樂可也

康熙戊辰仲春年世姻弟馮佩實

拜撰



自序

吾鄉去滇萬里而遙無論遊者憚其遠
卽言之者亦以爲道阻且長也歲丙寅
從父視學滇中從都門走一介邀余辭
之不獲因趣裝迺往季夏哉生明甬江
鼓棹過豫章三楚舟車凡數易七月旣
望抵武陵中秋從父自都門至乃脂車

陸行日在萬山中登高履險爲夙昔所未經孟冬中浣始達滇南嗣是巡歷各郡余竝從遊暇時探訪古蹟名勝見聞所及紀之以詩在楚以前皆七言律後此間作古體絕句適其興之所至而已積久成帙名之曰遊滇詩曆而應酬之作不與焉亦聊以志山川記歲月云爾

非可言詩也王右丞有云賴諳山水趣稍解別離情庶幾近是嗟夫余之役役風塵也久矣所至未嘗無詩然徃徃棄去不存而滇遊獨存者夫亦以客遊所歷道里之遠山川之險未有踰于斯者也昔向子平有遍遊五嶽之願而必俟婚嫁旣畢願自難酬故古人謂盡則安

能但身到處不放過耳余嘗以爲然是
以遇景輒遊正不欲寂寂使江山笑人
也顧先正有言不讀萬卷書不行萬里
路則胷次不廣余生平足跡所至何啻
萬里而質愚姿鈍固陋自安慙顏不厚
于十重鐵甲乎行將歸息敝廬陳先人
之遺書而讀之

春草堂主人念蓼謝爲霖題
于昆明旅次



遊滇詩曆

卷上

古鄞謝爲霖念蓼著

夜泊江上觀漁舟捕鱗魚

暫解征帆傍釣蓬。夜看飛權出江中。爭拋密網波生浪。競弄輕橈水接空。潑刺霜鱗連月白。參差漁火映燈紅。何當貰酒邀狂客。鼓柁橫吹一笛風。

過富春

一棹輕移向富春。層巒面面水鱗鱗。城頭高閣人家住。天際飛帆估客勤。如此江山宜入畫。却離鄉井暗傷神。沙邊鷗鳥應相笑。何事年來來往頻。

夜泊桐江

一片輕帆掛夕曛。遙迎碧巘望桐君。當年采藥人何在。此日餐芝事未聞。落日孤城臨水岸。晚烟高樹亂江雲。閒尋古寺銷煩暑。拱翠亭前花雨紛。
水濱有圓通寺內有

拱翠亭

釣臺懷古

七里灘前憇小舟。客星亭下憶羊裘。遙瞻綠樹知祠廟。每過青山想釣鈎。一夕高風當代少。千年遺跡此中留。漢陵寂寞雲臺圯。溪水悠悠日夜流。

大水

丙辰五月四日過嚴陵大水田廬多被漂沒舟行木杪今來過此水災更甚金衢至江

丙辰五月余過嚴陵正值大水田廬多被漂沒舟行木杪今來過此水災更甚金衢至江右一路居民渰溺流離有目所未覩者

十一年前此地過田廬強半委滄波。已驚巨浸從來少。誰信洪濤今更多。民乃爲魚遊壑谷。客行泛艇陟巖阿。何當解釋冰夷怒。千里安流起棹歌。

舟中

客程迢遞望天涯。長日舟行到未期。淺艸平沙江上路。亂山疎樹畫中詩。年來久已甘貧賤。老至何因輕別離。最是關情難自遣。蓬牕獨卧月明時。

常山道中

紆迴石岸道方艱。百丈勞勞何日閒。沙脚見灘千百折。山腰有屋兩三間。布帆飽處風初順。水碓春時路復灣。橘柚滿林猶未熟。舟人指點是常山。

常山下荷花盛開

度嶺穿雲路百迴。薰風忽覺送香來。石根槐樹穗初長。山下藕田花正開。清韻自應供翫賞。行人誰肯暫徘徊。征途冉冉黃塵起。我欲停車一舉杯。

常山嶺上紫薇花

山徑縈迴去路賒。嶺頭忽見紫薇花。身依喬木清陰重。根託巖阿歲月遐。不向上林承渥露。却來幽谷伴明霞。夕陽掛處偏生色。淺紫深紅幾樹斜。

過玉山

筍輿終日向山行。歷盡崇岡路漸平。茅屋數間邀客住。蹇驢幾隊逐塵生。原田日暖稻花秀。巖樹晝陰蟬韻清。景物自殊鄉語異。澆愁那不酒頻傾。

懷戢齋思亭諸子

猶記扁舟欲發時。依依骨月動離思。尋常惜別腸應斷。何處臨風淚不垂。萬里客程蓬鬢改。半生心事故人知。相思無計能銷恨。祇有開槭讀贈詩。

廣信道中

猶是千迴百折灘長年揮汗涉驚湍憤風過處流偏
急小雨來時暑未殘每到夕炊愁是客漫貪午睡當
之官獨憐鳥道今方始何處征途可卽安

過弋陽

弋陽鉛山兩縣城對峙江岸

夾岸城闔兩邑殊征帆來往此通衢情隨淺浪平還
起愁逐閒雲聚復徂埜岸艸香喧鹿女澄江沙暖浴
鷗雛曾聞大石光如鏡弋字于今在也無

弋陽縣二十里溪邊

有大石面如鏡上鐫弋字

舟過彭蠡

萬頃晴湖水拍天波心點點見漁船長征豈得辭衝
浪利涉終期在濟川雲葉遠移青嶼影風帆斜掛白
蘋煙望來清景真堪畫欲剪生綃倩筆傳

南昌晚泊

布帆風飽好揚舲暮靄催人又復停梅尉宅荒仙已
遠滕王閣迴曲堪聽江連月色涵虛白樹帶山光送
遠青殘暑未消眠不穩推篷仰卧看流星

滕王閣

望江樓下繫扁舟夜色蒼茫景更幽檻外澄波如練
淨渡頭高閣似雲浮珠簾畫棟遺踪遠秋水長天佳

句留何用壁間題姓氏斷碑無限沒荒丘

泊豐城

兩岸蟬聲響晚風停橈偶憇驛亭東遙疑江水浮天際
盡寫雲山入鏡中擊柝多因勤斥堠鳴笳知是駐
艫艫茂先已往無人識劔氣何勞漫燭空

過分宜

夾岸高山鎖急流離奇怪石踞灘頭坡邊淺艸眠黃
犢堤下長汀坐白鷗帆正風來偏激浪沙明波駛易
膠舟行人猶指前朝事丞相墳荒成古丘

望廬山

遙睇匡廬路不遐晴峯揖客送餘霞揚帆那得輕身
去倚棹空教望眼緊曾羨掛崖飛瀑布猶傳結社是
蓮華遠公已往音誰嗣祇見青山夕照斜

漫成二章

悶來無計解愁圍獨卧孤舟對落暉蓼渚淺汀饑鷺
立沙坪近艸亂螢飛月明自照還家夢風急應催寄
遠衣何日遺經傳阿買湖南重理釣魚磯

煩歎底事向滇池極目蠻煙望路岐一夕還家情自
切半生如夢醒何時愁中歲月黃塵度客裏容顏青
鏡知遙想燈前小兒女喁喁相聚數歸期

昌山龍伯祠

昌山峽有孝通廟龍伯施愚山先生有碑記溫姪育龍事甚詳

昌山津畔古龍祠遺跡猶傳感孝思
半夜風雷移馬鬣千秋俎豆報烏慈
高峯直上江流急喬木雲封鳥道危
讀罷碑詞懷往事安瀾髣髴覩靈旗

舟中暑甚望雨

遠岫蒸雲雨脚垂却嫌風掃不成絲
炎歊未散難安枕離恨偏多懶賦詩
人在旅中無客問舟行水面有星窺
憑誰寄語豐隆道一條煩襟快所思

臨江道中

溪山長日放舟行白石粼粼水更清
鳧母窺波漁子臥鸛媒引類獵人迎
遙看遠岫俄成霧未見前灘先有聲
烟靄空濛飛翠冷一江風雨總詩情

袁州道中

偶然思酒數青蚨淡薄村醪隨處沽
濠濮每懷惠子樂雲山儼是米家圖
醉眠篷底風生簟夢到樓頭香滿爐
卻怪少年心鍊盡元龍豪氣也應無

雨泊張家山

涼生蘋末濕雲垂水色蒼茫浦溆岐
估客帆檣狎雞犬漁家竹筏開鷓鴣
雨消暑氣敲篷響風帶秋聲向客吹
回首昨宵沽酒處人家遙隔水之湄

過萍鄉

節候推移大火流風塵荏苒忽驚秋車行青嶂聞鳴
雉稻覆黃雲有臥牛一水潺湲白石爛萬山迴合碧
雲稠荒城日落炊烟少惟見征夫過未休

舟次醴陵逢七夕

維舟恰向楚江邊虛度良宵自可憐巧線欲穿波弄
影綵車方駕雨如烟未知鵲羽曾成渡擬典魚腸博
醉眠此夕雙星應笑我孤篷空漾水連天

泊長沙

湖光淼淼隱蒹葭遙睇城陰暮靄遮細雨孤篷聞斷
雁疎林落葉見歸鴉波搖烟艇漁簑亂風颺旗亭酒
旆斜聖代賢才方進用不須弔古怨長沙

舟中夜坐

扁舟江上坐來清鐘漏沉沉河漢橫萬里未歸遊欲
倦百年已半恨難平荻叢露下催蟲響釣艇風來送
笛聲不是客途容易感異鄉今夜月偏明

思家

葦花菱葉滿江湄浦溆縈迴鼓柁遲自古在家貧亦
好子今作客意何爲幾時歸向鄉園裏想見相親骨
月時穉子起斟桑落酒山妻華髮案齊眉

過天心湖

篷窓欹枕聽鳴鷄
鷓首晨趨楚水西
三戶民稀千古恨
九疑愁結萬山齊
憑將書劍酬知己
欲爲烟霞憶故谿
獨客他鄉腸易斷
不須兩岸有猿啼

泊將軍廟

濕雲漠漠雨如絲
雙槳初停正晚炊
江變新涼聞雁後
山迴薄暝聽鐘時
孤燈入夜明荒戍
獨樹臨風傍古祠
天地古今皆逆旅
肯因飄泊廢裁詩

夜泊沅江苦熱

曾聞六月江無暑
誰道新秋燠倍前
一夜炎蒸如坐

甌滿船人起說難
眠蛩吟底事先愁
冷蚊陣由來善刺
堅安得清風謳酷
吏臥看素月弄晴
川

武陵道中

唐曰朗州

上游形勝足屏藩
雉堞臨湖勢自尊
殘月尚流三國恨
亂雲應斷九疑魂
江連湘漢帆檣迥
地接滇黔車馬喧
一自劉郎吟眺後
餘音猶徹朗州村

劉夢得爲朗州司馬

公餘登眺多吟咏
溪峒皆歌其詞

楚郊雨望

西風鳴雨鬧芭蕉
極目寒蕪去路遙
天外羣峯多不見
霜前一葉已先飄
平沙漠漠鴻歸浦
遠岸蕭蕭馬

度橋莫怪羈人易惆悵日來消盡沈郎腰

旅夜

一番風雨送輕寒唧唧秋蟲語夜闌客夢不離甬水
上征鞭猶滯楚江干青綾被薄難成寐白苧歌殘亦
寡歡強起挑燈裁短詠銀河明滅露華溥

客夜風雨

風雨瀟瀟攪客眠候蛩催織更淒然聲聲到枕何曾
斷滴滴當堦直欲穿夢未成來緣睡淺思難忘處是
情牽明朝休把青銅覽潘鬢如今不似前

楚江秋雨

蕭森秋律滿江鄉爽氣初來正未央蟋蟀有聲祇怨
冷芙蓉何處不生涼黃陵木落西風急青草波添夜
雨長神女荒唐巫峽遠空勞宋玉九迴腸

新霽

一泓秋水映高城霽色朝來風日清白鳥見人如舊
識青山對客似相迎壯心已向閒中冷道氣還從靜
裏生書癖自憐除未得客窓猶把硯田耕

遣興

窓前疎柳間新篁秉燭裁詩也似忙把卷卻忘身在
客啣盃便以醉爲鄉夜淡月到離人榻秋至涼生遊

子裳賴有閒情能自遣呼童拂几漫焚香

旅館懷恕齋莘野兩弟

荆樹枝分根自同此情何地不相通遙知聚首庭闈裏正在開懷笑語中驛路但愁高下嶺鄉書難覓去來鴻居停若有過從客爲報西堂夢未終

感道傍衰柳

西風疎柳尚毵毵憔悴秋容似不甘曾羨輕盈臨洛水今看搖落在江潭無由移植靈和畔那得敷榮太液南縱是王孫金勒馬也應惆悵一停驂

忽夢遊仙

蝶夢凌虛振羽翰瑤池掩映碧闌干紫梨共食勝神棗青鳥先來報駕鸞弄玉簫吹香細細飛瓊歌徹佩珊珊何須更覓桃花枕雲漢逍遙也不難

秋鶯

蕭瑟秋聲岸柳斜流鶯猶自望春華戲穿黃葉當深樹錯認丹楓是豔花似曲不銷遊子恨如簧還怨美人遐交交百轉誰能聽空對西風憶鳳車

楚江帆影

木蘭舟動浪生花縹渺烟波一片斜每趁雄風誇陣馬偶邀明月閃林雅曉衝霧斷晴雲亂晚逐潮來暮

邊海詩
靄遮欹正參差都入畫半江落日映輕槎

楚江秋思

西風落木戰江濱不盡幽思對夕曛疑有人來緣動
竹將無夢裏望行雲錦絃聲切憐湘女繡被香濃憶
郭君總是情多難自遣澗蘭沅芷更殷勤

新月

新月如弦見已三征輪猶自滯湘南遙瞻客路幾千
里未得家書到一函被裏偶然聞蝨誦窓前時復聽
鷄談秋空夜色涼如水梧葉西風戰正酣

月夜聽歌

半規涼月可中亭嫋嫋聲來隔院聽幽夢未能通宋
玉艷歌何必是秦青繞梁只恐銅壺促振木從教玉
露零星斗漸稀燈燼落微風拂草亂流螢

旅懷

風雨淒其百感縈自憐書劍兩無成身如泛梗踪難
定心比寒灰氣未平客舍蕭條鄉信杳征途迢遞旅
魂驚分明水熟茶鐺沸夢裏猶疑是櫓聲

初霽見月

梧桐枝老影初浮霽色新開清露流積雨連宵方見
月涼飈歎客是淡秋千家砧杵敲荒夢四壁蛩螢發

旅愁青草已衰楓葉落長卿何事好遨遊

中秋無月 時在武陵旅次

漠漠浮雲向晚生。吹開那得管絃聲。霜空霧重霓裳冷。星漢烟迷桂斧橫。祇信秋從今夕半。誰言月是此宵明。無端又動家園想。更教臨觴醉不成。

夢中得句

中秋夜半夢與友人分韻因成一律覺後歷歷可憶曉起錄之真讖語也

世上無爭是睡鄉。不愁旅館乏匡牀。囊餘布被客安寢。飯作桃花亦飽嘗。食葉蠶成繭如甕。采花蜂以蜜

為房漢陰老叟吾師也機事機心總兩忘

八月十六夜

昨朝秋氣已平分。羿后那曾駕綵雲。何處笛聲偏入耳。可堪雁影愴離羣。故鄉此夕推佳節。客舍今宵醉半醺。遙憶中庭方秉燭。博山香靄正氤氳。
先恭人每歲於是夕

焚香祝天家人遂以為常

伏波廟 一在桃源縣一在辰州府江岸

曾看青史動嗟咨。今日經過見古祠。百戰不消蕙苒謗。五溪猶切藻蘋思。攄鞍心壯當年事。誠子書傳後世師。試問雲臺競圖像。幾人遺廟樹豐碑。

桃溪晚渡

疎林薄暮集歸鴉。征轡迢迢夕照斜。冉冉暝雲低渡水。匆匆疲馬亂穿沙。每逢勝地忘爲客。欲指仙源卽是家。偶見薜蘿霜後葉。錯疑洞口泛桃花。

旅次桃源

聞道當年此避秦。沿谿烟火自相親。于今車馬紛如織。誰信山川别有春。雲出遙岑迎過客。草深荒岸動征塵。武陵亦是人間路。何用探奇去問津。

秦人洞 卽桃源洞

過桃源縣治二十里許桃源山上有秦人洞

相傳卽太元漁人黃道真問津處今洞門壘石不可入矣山半有亭

仙隱遺踪自昔傳。桃花片片引漁船。不知有漢何論晉。總爲逃秦遂各天。當日桑麻稱沃若。于今山水尚依然。洞門深閉人難問。祇見閒雲和紫烟。

宿鄭家驛

作客寧辭岡幾重。茅茨荒寂暫相容。長征已怯連朝路。破夢忽來何寺鐘。谷口猿啼山雨冷。樹頭麝嘯嶺雲濃。陰符在篋無心看。羞向人間說臥龍。

沅陵道中

過桃源百里而遙將次新店驛覺別一境界
山川秀麗林木鬱茂沿嶺有小溪水石清淺
大似浙中風景不謂得之五溪間也爲停車
者久之

日日看山山轉長宛然風景似吾鄉峯呈秀色非關
兩樹有蒼顏不畏霜岸草固應儔蕙茝溪流何必讓
滄浪畱連爭忍驅車去忘却前村已夕陽

人山

峭壁臨溪人呼之響應土人謂之人山

寂寂空山若有靈居人傳語試來聽聲從虛谷遙相
應客在征車亦暫停此景故鄉容易見殊方今日始

曾經揮鞭漫指前途去夕照熹微遠岫青

辰龍關

兩崖壁立中通一徑人行山罅中足稱險阻
相傳吳逆叛時據此抗拒我師不能進後得
鄉民嚮導從間道攻其後始潰去

雙崖屹立峙雄關天險相傳是此間守可一夫當百
騎行來四面擁千山層岡不斷雲常宿澗澗長流石
自閒蠢爾不知王命論空教戰士血痕殷

旅次新店驛

地鄰溪峒少炊烟景物多殊氣候偏嶺下日斜曾遇

虎山中秋晚尚啼鷓鴣霏霏暮雨常侵曉淡淡午晴方
見天纔過崇岡憇征轡兩峯壁立又當前

次界亭驛

迢遞重岡接翠微烟嵐面上征衣馬蹄盡日依山
轉峯頂經時少雁飛碧岫出雲楓葉暗紅泉漱石
蕨芽肥時已秋溪澗中尚有蕨拳鄉心恰似投林鳥每到斜陽一度歸

界亭曉發

曉逐征鞭氣正涼崎嶇嶺路辨微茫青山笑客風塵
老黃葉隨人奔走忙背日草垂半夜露出林鴉帶五

更霜馬蹄踏遍蕭森影猶恐長曦是月光

梨兒坡

因多梨樹故名

仄徑崎嶇僕馬痛驛亭迢遞日將晡枝頭賸有哀家
果解得征人渴也無

曉發馬底驛

侵曉驅車逐去程重重峻嶺淡烟縈有時泉向雲根
出長日人從石罅行幽鳥一鳴如喚客野花數見不
知名獨憐此地無松栢空教紛紛灌木榮

山行見古碑

道傍有甘棠道碑又有張公搏虎碑

崇岡見遺碣題識甘棠道又有搏虎碑餘勇傳故老

風雨蝕殘文最屬隱豐草客行偶停輪摩薜恣幽討
古木帶雲流山容淡逾好路轉境忽新悠然開懷抱
沅陵懷古
重岡複嶺路間關形勝于茲控八蠻二酉積書空有
穴五城藏甲只存山珍珠謗起伏波去銅柱功成刺
史還弔古不禁懷往事滿溪流水自潺潺

宿船溪驛

日落風高薄暮天征車猶自逐塵烟刺桐葉暗溪邊
路蕎麥花開嶺下田驛到溪山時見馬橋橫淺澗不
通船臨流勝有危樓在且拂黃埃一枕眠

渡辰溪

夾路青桐落葉紛巖花時有野香薰何因雨霽猶屯
霧總以山多易出雲白石臥羊堪叱起翠岑飛鳳杳
難分悠悠繞郭辰溪水朝送行人到夕曛

次懷化驛

涼雨初收碧樹齊連天秋草望中迷荒村一飯人烟
少斜日千峯鳥跡稀見說近山常有豹乍來野店只
聞鷄長鬚細數明朝路風景猶然是五溪

明山

沅州

紺崖靈壑夙稱奇環拱山城路委迤人過影穿無數

樹鳥啼聲出最高枝望中積翠明于畫霽後浮嵐靜
不移誰似龍標曾駐此馬前羅拜乞新詩

栗子關

小栗子關至大栗子關上下崎嶇凡十五里
路止徑尺俯臨江流盤曲左右足稱奇險

龍標南去蠶叢路複嶂層巒莽回互征車直上青雲
端衣袂飄飄染烟霧我行已歷崇岡巔僕馬蟻旋隔
溪樹盤紆蛇徑窄復危下臨萬仞洪濤怒俯視白茅
鋪如浮漚絕壑凌虛足驚怖吁嗟兮叱馭廻車事不
名同立心忠孝皆可慕今我何爲涉斯險兩無所據室

窘步生平志欲行九州役役風塵未得休世路嶮巖
更踰此攬轡何必生羈愁

鷄鳴關

徑轉峯廻幾百巡馬蹄終日逐黃塵懸崖半壁驚神
斧危磴千重困客輪驛路但隨衰草去山程常有亂
雲屯執鞭見我詢亭障笑是羊腸初過人

中河洞

有朱夫子書院碑

古洞陰森闢幽境亂雲千疊鎖鐵嶺山石屏名環列
挺芙蓉清泉漱石蒼苔冷遺碣猶傳記紫陽可知文
教訖蠻方荒烟寂寞碑還在憑弔山高與水長

九月鎮遠旅次

茱萸觴客自年年今日重陽驛舍邊何處有臺非戲
馬誰人拔宅共昇天公榮正可開尊飲元亮偏思對
菊眠遙憶故園兄弟樂西風吹帽亦悠然

椒溪

雲山滿目路縱橫地到黔中非世情十里漫言五里
近諺云貴州十一里當五里一程分作兩程行天當有雨偏無霧
曉起聞雷卻又晴巖下石多溪勢急怒濤常作鼓鼙
聲

油榨關 石壁有刻詩

石磴盤空接翠微鑿開一徑啓雙扉兩崖突兀羊腸
險四望縈紆馬跡迷祇有閒雲抱峯臥更無幽鳥向
山飛驅車涉歷渾忘倦勝地初遊亦似歸

相見坡

山下看山半在天馬蹄踏遍嶺頭烟路盤百折岡猶
遠徑轉千迴峯尚連剛得平時高似昔未曾經處險
于前生平亦有登臨興只是黔中已惘然

華嚴洞步王文成公韻

過乾溪鋪有華嚴洞澗里許儼如石屋燃炬
而行至最高處石上刻大士像外有寺

何年石室構蜂臺欲賦新詩細雨催洞裏祗應容佛
坐雲邊時見有僧來陰崖已與塵寰隔仙窟疑從鬼
斧開遠道迫人驅馬去憑高一望一低回

諸葛洞

偏橋衛望城坡南里許有諸葛洞河至此兩
山幾于相連中空一隙舟不能度相傳武侯
擡舟而過故以名洞

武侯昔日屢南征到處猶傳諸葛名遙見雲移知洞
出忽逢水盡有山橫由來勝地因人重遂使遺踪動
客情父老至今談往事拏舟干載識軍聲

遊飛雲巖

偏橋四十里東坡姑有飛雲巖玲瓏嵌空儼
似雕鏤巖下設佛閣旁有小峯亦祀佛對巖
一峯峭立建亭其上勝槩皆在顧盼間又一
峯高不能亭上有飛泉噴激左右下有月池
前爲月潭寺杉檜森鬱巖石蒼翠爲黔中第
一名勝遊人詩記甚多碣碑林立王陽明先
生曾有記云天下之山聚于黔黔山之秀聚
于茲巖賞鑿殊不虛巖下有洞不甚廣土人
皆以飛雲洞稱之是日徘徊良久覓陽明記

竟不可得

日日行山間山容非一致總無特出姿遂作尋常視
倏然邁奇觀巖壑擅獨異造化萃秀質坤維貢靈瑞
翠嶽衆山中傑然出其類遙睇露瓌瑋近矚含清邃
雲根勢飛動形容乃悉備或如鐘乳垂或若獅象峙
或奮欲攫拏或險疑傾墜玲瓏餘洞壑峯頂滋薜荔
左右挂飛泉長天映空翠不知鴻濛初匠心誰位置
何不生神州僻處在茲地夫豈耽幽寂山靈有微意
緇流競像設無乃亦多事我遊卻忘疲選勝快夙志
暮靄催人行匆匆攬征轡碑碣滿空山不見陽明記

月潭寺

飛雲巖畔古招提閒啟雙扉對夕暉古栢自畱前代
物豐碑惟見要樞題夜涼月浸池心冷山靜雲封谷
口迷石上清泉飛不盡聲聲流入小橋西

大風洞

卽雲溪洞

過羅重舖七八里有大風洞虛曠曲折從穴
中穿至峯頂四顧爽然旁一洞深異直通楊
老驛中有數灘極底相傳爲龍潭

昨遊飛雲巖山貌洵婉變茲來涉異境寥廓開生面
嵌空闢陰洞化工巧結撰渾樸山腹中爽曠儼深院

廣可容百人微乃通一線瓊瓏多石竅幽豁竊萬變
蟻穿九曲珠遊行始周徧循穴出峯頂四望雄顧盼
習習清風來憑虛冷然善旁達三十里宵冥極環轉
秉炬入洞天倭遲勢平行中涵數溪澗流水時濺濺
底爲神龍宅蒼茫渺難見洞口漱清泉巖骨淨如練
偶憶米顛評秀透良足羨客遊暫容與應接紛不倦
何當設冰簟吟眺共歡宴薄暝氣陰翳歸雲墮片片
日落不可留車行意猶戀

葛鏡橋

平越府東三里有葛鏡橋山高水湲相傳萬

曆間有葛鏡者修橋至再皆爲龍所壞鏡正
審視間忽有仙指云只看砥柱字處甚好果
見砥柱二大字此處建橋卽成

百尺飛虹駕激湍高山夾岸路迴盤功期利涉酬非
易誠足神通遂不難在昔橋邊尋砥柱于今溪上觀
安瀾綠波如黛流無盡多少行人駐馬看

武勝關仙蹟

平越府南五里關名武勝絕壁有神畱宇宙
四大字旁有巖見神影下有夜雨滴金橋云
晴夜亦雨灑數點

兩崖差峩屹然立五丁鑿開鬼神泣絕壁大書垂壯
觀草顏不凋露猶浥旁畱神影日悠悠杳渺遺踪春
復秋空山寂歷蹲怪石欲問仙人何處求異聞奇絕
猶堪數夜夜橋邊晴亦雨數點分明見不虛浩蕩乾
坤自今古

晚霞斜照

府南懸壁不計兩晴皆有斜暉

懸崖奇蹟世間稀天到黔中亦不齊試看晚霞常照
處雨晴日日見斜暉

玉真觀

在乎越府城南爲張三丰修煉處有大桂樹

當年仙客此修真紺宇依然遠俗塵叢桂自芳前代
樹空山猶是舊時春烟霞到處容棲鶴丹竈何緣得
問津遺跡但畱閒影在鴻都渺渺許誰親

楓嶺

山多楓樹故名

晚過楓林車欲停殘霞斜擁遠山青渥顏半染清霜
醉何必臨風傲獨醒

花岸

三峯峭拔路廻環夾道濃陰卻耐寒時有野香薰客
袂繁花滿眼綴青山

玉杵關

山半古寺幽絕林木茂異亦黔中佳境也

翠巘凌空磴可攀風塵暫向此中閒行來曲曲灣灣
水望去重重叠叠山杉檜滿林藏古寺烟嵐無數護
雄關憑高俯視羣峯小祇見雲生馬足間

貴陽旅次

征輅日度嶺雲中忽見孤峯卓遠空銅鼓聲聞天欲
雨石門壁立徑還通鳳凰山竦寒烟澹芳杜洲深秋
水融更望荒祠拜南入遐陬猶是想英風

府治南有南霽雲寺

安順道中

敝裘添着客裝輕日日縈迴嶺土行叠嶂有時難辯

路遠山無數不知名田間野燒白烟起石上叢枝紅
葉明試向峯頭一回首碧波橋外亂雲橫

白水河

去鎮寧州二十五里爲白水河懸崖數十仞
飛瀑噴激成河晴午日映成五色隔岸石上
有雲映川霞四大字

萬山廻合中忽見飛練白懸崖數十仞噴瀑幾百尺
怒濤排長空奔馬勢辟易迅如注天潢傾瀉馮夷宅
又如倒三峽泱泱成大澤絕壁掛白虹雷霆走危石
晴雲映珠光陸離炫金碧泉流無停機浩蕩永朝夕

過客空徘徊滔滔亘今昔

望水亭觀犀牛潭

由白水河陟嶺山半有望水亭下爲犀牛潭
相傳下有犀牛水能消涸巖瀑奔瀉潭水不
溢澄波翠碧可愛

陟岡憇小亭俯瞰犀牛潭潭深不見底岸樹繁晴嵐
飛瀑自噴激潭水常虛涵澄波碧于染翁受靜不貪
平生烟霞癖對此典自酣結念濠濮間躊躇爲停驂

關索嶺

去白水河二十里爲關嶺相傳壯繆少子從

丞相亮南征伐山通道功著蜀中歿而土人
祀之水旱災禳禱之立應遂血食不廢按史
傳壯繆長子平從死寧沮之難次子典爲侍
中蚤歿少子索無可考今滇黔嶺名關索者
五或關鎖嶺之訛亦未必然大約漢將實有
其人觀碑記皆以爲壯繆子終無考據傳疑
可也嶺高峻爲黔山第一路如疊寫之字盤
折而上有關帝祠

極目崇岡去路遙羊腸一縷蝕山腰人因客久情能
淡馬爲行多氣不驕危磴接天鳥影絕亂峯遮道水

聲囂長空淒冷橫秋律何處疎林見葉飄

關帝祠前修竹

祠前修竹萬个新篁如椽時已季秋下浣筍
方解籜葉亦大于常竹瀟灑可人

古祠疎樹掛斜暝迢遞高岑見此君直節與公同不
朽虛心如爾足超羣不須成實方棲鳳卽看新梢已
拂雲愛惜豈殊丞相柏碧鮮凝靄正氤氳

順忠公廟

祠關將軍索廟內有鎗泉可飲相傳爲將軍
卓鎗處外有啞泉毒人今立石戒人勿飲

危峯直上與雲連山半遺祠尙儼然飲水競言三國
爭伐山寧讓五丁先如何青史無人記空教香名以
地傳自是爲劉心不泯至今猶溯建興年

鎗泉

溪山多異蹟啞泉人不常軍行渴難解士卒徒徬徨
將軍卓鎗處巖骨流雲漿忠義格山靈水味亦改常
至今往來人酌泉頌不忘再拜古祠下英風與水長
過盤江是日鐵索橋新成

湍激峯廻勢欲奔南荒天險此中存山連鐵綆橫江
鎖峽束銀濤觸石喧高閣臥雲烽火靜小亭倚壁夕

陽溫車行恰是梁成日不用臨流羨駕龍

安南道中

桃柳葉暗漲蠻溪面面烟縈古道齊不啻人愁惟夜
雨慣催夢醒是晨鷄雲從峭壁高邊斷天向危岑近
處低直上層崖望驛舍依稀還在亂山西

老鴉關

去安南衛十里山甚險峻

人忽行天際何峯有此高萬山皆在下半壁獨稱豪
攀磴車環岫侵星霧染袍情淡爲骨月日陟不知勞
鸚武寺

新興縣二十餘里一嶺又出懸臨大壑左右

兩山如翼名鸚哥嘴絕頂一寺檻俯巖壑林

木幽異

寺本因巖著人多入寺遊孤峯懸仄徑落葉隱寒流
松老欺霜薄山高信鳥愁數聲鐘磬發車馬若爲留

觀音洞

筍輿度空山遙見洞壑幽探奇愜夙志趨向巖中遊
山腹宥以深曠望清雙眸天然成大厦不待匠石謀
璀璨坐古佛吸水垂螭頭乳泉鳴懸崖風多聲颼颼
我欲窮其源徑黑澗水流勝槩攬不盡旅行難優游
何時棄塵埃來此十日留

麥秋溪

亂峯迴合覺天低烟霧濛濛路欲迷聞說永高靖蠻
寇至今花滿麥秋溪

滇南勝境

入滇界有坊曰滇南勝境

數見黔山覺不鮮纔來滇境便蒼然山空不讓嵐烟
出霜落偏添樹色妍巖骨泉香疑濺雪嶺頭松勁欲
參天分明記得荆關畫卻掛南荒古道邊

諸葛丞相廟

在關索嶺

擒縱威名震遠天武侯遺廟到今傳過來銅鼓祈靈
雨吹徹蘆笙報有年斷碣文殘風雨蝕古牆石在薜

蘿鮮歲寒不改蒼松色無數龍鱗起紫烟

望海子

去楊林數里有大湖名望海子湖光潏灩山
色圍合亦是可人

滇黔之山多于水乍見滄浪皆色喜平沙淺草漾清
流此地名爲望海子潏灩湖光映午雲遊鱗水鳥自
成羣灘頭小艇漁簑臥換酒歸來醉半醺獨憐奔走
風塵者日逐黃埃過嶺下烟波淼淼路迢迢落日啣
山急驅馬

歸化寺

金馬山陽勅建古刹名歸化寺規模壯麗金
碧燦然俯瞰滇城烟火萬家樓閣參差西眺
碧鷄山長虹雲亘前望昆明池一碧萬頃晴
光如練頗稱佳勝

紺殿輝煌踞上遊山川城郭望中收前觀滇海滄波
晚西眺鷄峯碧樹秋縹渺雲烟縈遠樹參差雉堞映
高樓老僧指點登臨處正好停車一探幽

金馬山

山下有金馬關前此大師屯駐將軍戰壘猶
存

漢朝天子愛神仙禱祀遺踪自昔傳欲以薦蘋邀逸
景漫勞持節向蠻烟不知隱現曾成象祇見峇堯勢
插天此日山椒還設險幾回吟眺更停鞭

遊圓通寺

鑿山構室有采芝徑壁立亭諸名勝

攬勝不在遠城中見層巒有巖曰盤坤良足雄苴蘭
策馬探名蹟極目皆奇觀突兀一山竦巉巖數峯攢
橫亘列屏障迴環螭龍蟠怪石儼綦布傑閣居其端
下有古招提倚崖雕旃檀珠宮炫金碧老樹臥闌干
風來簷鐸語果熟山禽歡行攀采芝徑層折磴路寬
印屐雲爲地飛身星可搏雉堞連山腰俯瞰塵市謹

陰洞傳譎誕

俗傳紅孩兒洞

像設乘虬鸞直上壁立亭繡壤

如彈丸幽討非一致登臨竟忘餐拂藓摩舊碑石在
文半殘初自延祐年歷久跡未刊蘭若有興廢山容
終巉岼取攜任斯人誰肯停征鞍

救軍糧

道傍叢枝垂垂如紅豆實粉澤可食問之輿
人曰名救軍糧霜後味美相傳始於武侯未
足信也

離離朱實岸傍垂人說當年曾療饑總似豆時寧易
飽若教餉置總堪危愚民本意爲歸美野語相傳可
闕疑丞相出師糧待救木牛流馬竟何之

昆明池

生平好遊歷結念屬烟霞滇南萬里不辭遠日行山
巔與水涯征鞍纔卸未十日欲尋名勝若恐失夙昔
聞說昆明池策馬便向城南出城南風景疑燕都塵
飛對面形模糊須臾下馬待塵息拂衣緩步趨平蕪
但見一碧萬頃如畫圖隨波上下多鷗鳧心曠不覺
頻狂呼曾憶腐遷記源廣未偏狹水勢似倒流浩蕩
遙天接况有蓮花千葉開碧鷄山色映潏澗人生遇
此便須豪吟浮大白不然日守數椽何爲哉君不見

黔國園平西府。昔日繁華誇樂土。于今衰草冒寒烟。
過眼浮雲安足數。何如明月並清風。相攜不禁還無
窮。山川到處堪乘興。莫向風塵歎轉蓬。

過故宮

烽靜于今已十年。雕甍碧瓦委蒼烟。空勞築石營雲

竈。峯巒竦峙巖壑玲瓏。皆以銅條穿石錮之。無復凌波蕩畫船。路滇池爲沼周遭植

蓮蕩舟其中。荒徑可能畱寶瑟。遊人猶想拾金鈿。彩鸞寂

寞歸何處。夜月誰聽泣杜鵑。

遊安阜園

直蘭城外晚雲收。策馬閒從廢苑遊。蕉徑雨殘心尙

捲。園有芭蕉山尙存。荷池香冷葉還畱。空餘黃犢眠荒草。不

見朱顏倚畫樓。野鳥卻憐人去盡。自棲溪樹叫鈎輈。

欲雪

共說滇南暖。貂裘卻不攜。忽然天欲雪。祇見冷侵肌。
金盡少顏色。風高亂客思。陽回堪計日。應許得伸眉。

螺峯山

下有潮音洞。舊傳好事者。乘炬而入。行兩日。
阻水而返。今壘石不可入矣。

峯連霄漢鬱嵯峨。曠覽能消旅恨多。每對烟鬟思碧
樹。欲攜雲液泛紅螺。好山原不辭人到。笑洞何緣與

客過縹渺疑聞笙鶴至。漫從高處共捫蘿。

署齋對雪用東坡聚星堂雪詩韻

墨雲乍暗桃柳葉。長空漫漫忽飛雪。瓊瑤落地靜無聲。官舍淒清更幽絕。捲簾呵凍不成吟。風急冰膠筆鋒折。坐看撼撼打窓櫺。六出輕颺灑還滅。擬作彈文責滕六。幾度操觚手如掣。共說滇南冬不裘。對此皆思披紫纈。吳綾不暖黑貂敝。天涯無計驅霏屑。賸邀紅友伴羈人。一任寒飈自飄瞥。清景由來人不知。待滌塵襟向誰說。試從高處望遙岑。滿眼青山如浴鐵。

西湖

一泓澄碧漾滇池。清景多應與月宜。不似吾鄉比西子。南荒佳麗少人知。

風雪過螳螂川

朔風吹冷聚寒雲。夾岸澄波起縠紋。片片玉鱗飛墮水。望中鷗鷺渺難分。

過碧鷄關時正大雪

衝寒出城闔。驅車金齒去。蜿蜒列嶂亘。長虹云是玉。褰禱祀處同。雲冷鎖碧鷄。山山下紆迴。磴可攀。滿天風雪行人少。祇見高岑開玉顏。

雪後過溫泉

去安寧州十五里

南荒地脉近春陽蠻草青青亦耐霜更有源泉長不
冷卽看雪後氣如湯

宿老鴉關

去安寧州七十里止荒村三四家沽酒竟不
可得

長天一望淨纖塵蕭寂荒村駐客輪破屋瓦穿星到
榻危樓板穴馬窺人空山延雪遮髡頂淺草迎烟布
軟茵自是蠻方行轍少欲邀麴友也無鄰

斷腸坡

霜天日出氣如春嶺路雖長聞見新聽說山都能贊

酒飛來紅翠

山鳥名

不驚人紫苗劓炭供官餉白燹肩

薪避客輪崖畔好花開不盡斷腸應爲遠遊頻

煉象關

雲壑時在眼清曠情所歡憑高眺前峯一髮青雲端
疎豁開心胸羅立峙重蠻遙林翠欲滴紅樹如霞攢
清磬出山坳石樓暫盤桓景宜歸畫府惜不攜齊紈
長至祿豐道中

乍見陽暉下綠蕪天涯征轡漫馳驅線添帕女寧知

繡谷暖墟童正刈芻山鳥弄晴爭託佛

蠻語託佛猶
華言曬翅也

野塘浮藻躍蝦蟆隅欲憑雲物占豐歉祇恐吾鄉氣候

殊

蘭谷關 舊名响水關

急雨不出谷陰晴異咫尺紆迴陟崇岡盤旋徑幽關
峭嶺似春山車行快所適蒼崖入層雲茂樹蔽巖石
時有幽禽聲巧轉娛過客倚松聽鳴泉淙淙瀉輕碧

金剛纂

狀如刺桐色青性最毒天暖樹液入地叢
生人染其脂液入口卽死沾肌膚卽爛牛
羊觸之亦然

造化滋沴氣惡木生林巒如何不剪薙坐令根枝繁
人禽亦何辜觸之肌體殘蝮虺猶可避此毒知者難
我欲借斧斤斬伐無少寬但使去惡盡良榦應相安

回磴關

鳥道縈迴幾百盤曉行人自怯霜繁雀喧日出鳴相
應樹以天晴秀可餐祇見山皆羅足下不知身已歷
雲端凌寒更喜貞松在宵學楓顏便染丹

鳴鳳山

相傳蒙氏時有鳳鳴于此石土有巨人跡

聞說此山中昔日鳴威鳳石上巨人跡詭誕易歆動
彩雲寂寞已千年鳳去山空不見仙祇有夜溪峯頂
月清輝長自照蠻天

搗練溪

素女今何處晴沙漾碧漪
凍憐漂絮冷清與濯纓宜
亂水搖砧石澄波映酒旗
無端動鄉思革帶孔頻移

遊青華洞

去雲南縣治南八里有青華洞
深濶十餘丈從山根而入
豁衍虛豁儼如斲成秉炬而入
巖壑幽異嵌空支分懸崖滴乳
愈深愈奇每過數十步頂有小竅
微漏天光土人謂爲天窓洞甚深
遠遊累日不能盡是日攝邑篆趙
州司馬山左顏君具杯酌余盡藥酒
一觴不

覺酣醉

化工露奇巧搜斲窮雲根
平岡湧列岫綿亘如屏垣
忽然陰崖迸山腹啓洞門
敞爽豁塵慮雕鑿絕斧痕
深入幽境邃巖壑靜俗喧
羲輪古不到宵冥失晨昏
頂竅逗天光磊落清心魂
似聞腥風至疑有蛟龍屯
幽討倚束炬石戶手可捫
逶迤徑難盡誰曾竟其源
地主能肅客拂席開清尊
蕉葉便醕酌迢迢望前村
勝地固足戀遠行無停轅

宿白厓

古白子國有白厓城南詔十驗之一驗卽華

言州也武侯擒孟獲立鐵柱紀功卽此處

曾聞白子國南詔列雄州市有苗民聚

是日正逢苗民爲市車

從祠廟畱晚宿通明宮野花明夕照亂水遶平疇鐵柱今

何處猶傳漢武侯

午憇泰國寺初見梅開因攜一枝歸旅次

嶺頭初見一枝春細數葭飛未浹辰欲寄故園無驛使祇應清影伴羈人

趙州公館瓶花

仲冬望夕侍從父宿趙州行署供設瓶花甚

麗有山梅雪蘭素馨芙蓉海棠白薔薇六月

菊諸種綽約可愛

陽暉原不隔天涯莫爲霜繁怨歲華卽看和風先到處膽瓶齊插四時花

諸葛城遺址

昔日征蠻處猶傳戰壘存南人不復反西洱足稱藩荒址名還在遺民誦勿緩卽看祠廟滿千載志堪論

天生橋

爲洱水下趨處洞穿山骨下斷上連絕壑深
塹石梁跨之可度一人兩厓激水濺珠宛如
梅萼人呼曰不謝梅俗傳觀音大士所鑿

形勝曾稱此地強人傳洱海是漁鄉洱水出公鑿開

巖骨通湍水夾峙雲根駕石梁飛瀑濺珠梅萼綻好

山棲樹鳥聲長何年神斧雷奇蹟迂說紛紛總渺茫

出龍尾關憇四十里橋

雄關纔過未停鞭又見前峯天外懸風束驚沙飛嶺
上角催寒日出雲邊盤空路作羊腸曲依磴人如蟻
磨旋行盡山腰四十里濤聲不斷更潺湲

過漾濞川鐵索橋橋名雲龍

驚湍春石怒於雷夾岸爲梁勢莫摧無事射潮誇弩
健祇應組鐵障瀾迴經過在昔資舟楫車馬于今任

往來自是大川須利涉漫勞弔古更興懷

登繡嶺大覺寺樓

嶺半山寺幽絕老僧出茗菓供客

翠微深處有僧家林壑悠然景自嘉偶覺香來焚柏

子最憐清絕是梅花登樓喜對蒼山雪點蒼山積雪如玉敲

火新烹繡嶺茶面面烟鬟解畱客渾忘身卻在天涯

打牛坪

滇中藝禾向止用鋤耕武侯教以打牛始識
犁耕之便民多方田

南荒只解用刀耕土瘠民疲黍不生一自得聞丞相

教負犁爭向隴頭行

宿延慶寺

寺止一楹于佛前設榻而臥五鼓忽大雷電
風雨時伸冬十八日也

空山蕭闐少炊烟破寺雖存僅數椽明月半牀同佛
臥忽聞雷震竟無眠

過可噹山

一望差峩勢接天馬蹄長日踏晴烟人行繞磴高還
遠松欲于霄老更鮮黃葉落疑飛鳥墮丹茶開比晚
霞妍滿山清景皆堪畫應倩藍家父子傳

山景大似
藍田叔画

過羅岷山見櫻桃開花甚艷

玉瑄初飛緹室灰春光先到嶺頭來遙看一片明于
錦山畔櫻桃花盛開

登羅岷山 山極險峻

峇堯天半削難成鳥道縈廻攀磴行峭壁直飛波上
立危岑高向日邊橫一江流碧環山轉千樹浮蒼傍
石生更倚巖間望飛瀑玉虹常作怒雷聲

過瀾滄江鐵索橋謁武侯祠

橋長三百六十尺銷鐵索爲之官此土者必
先祀武侯始度橋

鹿滄此日漫經過夾岸青山映綠波黑水昔從神禹

導禹貢導黑水卽此

蘭津猶記漢時歌

漢明帝開博南渡此行者愁怨歌曰漢德

廣開不賓度博南越蘭津渡瀾滄爲他人

綸巾揮扇餘威遠鐵鎖橫江利

涉多共仰風流薦蘋藻古祠遺碣尙堪摩

不韋道中

向說黔山峻滇西險過之城存南越裔

漢武帝徙南越相呂嘉子

孫于此築不韋城

地闢漢皇時噴瀑巖間濺高峯天外欹不

因身歷此誰信路艱危

旅懷

客遊猶是舊生涯靜掩雙扉到日斜燭解離愁常有

淚梅憐孤寂早開花故鄉鴈杳書難寄蠻土霜繁鬢

已華滇越眞成萬里隔祇憑飛夢一還家

歲暮有懷

男子四方志安用處市闈不如恣遨遊汗漫寰宇間

婚嫁嗤向平所恨身不閒夜卽縱云遠石磴堪躋攀

徂暑違故園竺寒涉荒蠻涼月不到地馬蹄常在山

萬壑啼哀猿峯高水潺湲天末少鴈飛鄉書誰往還

歲晚多風霜忽然憶刀環烈士悲暮年心壯鬢已斑

爲客豈長策胡不歸鄉關無爲久役役辛苦凋朱顏

祇應讀我書行驗鑑湖灣偃仰足自適不歌行路難

抵永昌口占二絕

何事迢迢天末行，嶺雲溪霧逐愁生。
來時已道滇池遠，又過滇池十九程。
書劔蕭然去，往輕向來羈旅不關情。
如何連日思鄉念，似草逢春到處生。

諭鼠

署齋多鼠，天未暝輒跳躍，承塵間勢如奔馬。
少遲嚙楮，作裂繒聲，自宵達旦不休，令人不
得安枕，驅之勿止也。詩以諭之。

傳舍久闐寂，縱橫恣群鼠。依社誰爲熏，忌器遂莫拒。
李斯歎誠然，坡老賦堪舉。我來少安眠，穿墉無寧處。
夜聞裂楮聲，縹帙恐嚙咀。童僕屢拊牀，噴噴如諍語。
我無卻鼠方，任爾誇徒侶。不焚仙家符，不效酷吏詛。
一言但相告，此居原逆旅。客席不暇暖，旦夕適他所。
勿損篋中書，挑擲亦由汝。胡不思有體，空教歌食黍。
臘月十二日大風雷震十六夜復大風雷

難將時令問靈臺，氣候殊方理莫推。
只看哀牢當臘月，烈風起處更轟雷。

臘月桃花盛開望之若雲錦

聞道穠華三月燒，春風未動已招邀。
絳衣歌罷堪銷

恨綺樹裝成可助嬌半面弄姿呈露蕊滿庭凝艷剪
霞綃早芳疑是霜林種怪底詩人比二喬

立春前一日書事 永昌旅次

元冥執權餘十日土膏脈起寒威失忽訝明朝是立
春織烏飜飛何太疾金齒城東車馬迴鳴笳啓路雙
旌開紅妝畫纒紛結束爭看行春太守來錦幢飄飄
風亂颭彈箏擷笛聲掩冉肅迓勾芒飾土牛人情此
日占豐歉古制流傳非一朝青旂發歲舞雲翹天子
三推勸農事民間東作競相邀於今此禮徧天下何
處迎春不聯社祇緣舊典貴循行誰能樽節稱賢者
我遇靈辰客瘴鄉春暉徧早到遐荒辛盤生菜挑來
美何必銀滕賜上方

客夜

十州遠隔彩雲東臘盡身還滯九隆萬里客歸清夢
裡五更鐘到旅牀中雞聲叫落寒天月鼠逕偷穿破
壁風卻睡不須求異草起看窗外已矇矓

臘盡

氣候殊方倏屢移崢嶸殘臘聽流澌頻驚雷電疑三
月數變陰晴只六時飛霞自飄靈鷲嶺條風先暖易
羅池露桃開遍庭前樹翻訝司天改歲遲

丙寅除夕

霜鬢明朝又一年
遐荒守歲更堪憐
捲簾碧草侵階
面啓戶青山立
酒邊爆竹聲中思故國
菜花開處豔
蠻天夜淡撥火添商陸
靜對青檠獨惘然

遊滇詩曆卷之上

遊滇詩曆卷下

古鄞謝爲霖念蓼著

丁卯元日

桃符初換歲方新
纔隔寒宵又一春
漸老怕逢時節
改消愁祇有簡編親
懸知兒女遙相憶
虛度年華轉
愴神羸得客中差勝處
更無名刺往來頻

正月三日遊湧珠泉

泉自池底湧出
在永昌城南

春風送遊屐
選勝循澗沚
清淺易羅池
一見令人喜
澗源行地中
涓涓出沼底
噴沫成珠璣
終古流不止
澄波淨如練
漣漪絕塵滓
甃石圍平瀾
小亭翼如峙

遊人紛往來朱欄俯碧水客喧泉逾靜臨淵悟至理
翛然滌煩襟不羨蒙莊子

登九隆山

龍從一山高曠望景寥廓翠巘空天齊丹崖古藤絡
千峯列几案舉眼見雲壑俯瞰萬井烟鱗次接樓閣
春城開穠桃緋碧花綽約翻嫌紺宇多幽趣爲蔽卻
客遊耽敞爽解鞍恣盤薄漱齒酌清泉勝飲金鑿落
居人好誇奇猶談習農樂

龍泉僧舍看花

倚巖數椽幽絕遍植花卉樹頭香椽垂垂溼

茶海棠蘭蕙諸種一時並開

龍門高處隱禪房卉木悠然集衆芳樹吐丹葩輝麗
景枝垂黃實發清香紉蘭作佩懷湘芷恨杜無詩是
海棠曲徑通幽心自遠坐淡忘卻在邊方

途中見鞦韆

怒江日暖晴光射紅白桃開色相亞喧闐士女弄春
遊當街齊掛鞦韆架分明飛燕受風斜上下輕颺衆
各誇誰言邊徼人情異寰宇如今共一家

右軍臺

永昌城南舊傳有王羲之手書碑刻今不可

見矣

何年墨妙到滇雲終古人知有右軍斷碣已湮名尚在會稽那不寶鷺羣

諸葛旗臺

永昌城南有土壑隨水上下盛潦不沒相傳武侯南征所築旗臺

金齒城南見土阜址高六尺相傳久周遭三十有餘丈隨水上下垂不朽當年丞相樹旗臺擒縱功成疆域開千載尚留遺蹟在洪波從不沒崔嵬

旅次觀孔雀

縱襪兩文禽翩翩來遠岑影迴身炫碧尾舉扇銷金翠羽供欣賞雕籠失素心何年縱歸去飛舞入深林

遊溫泉

去保山縣三十里

策馬湯池去斜陽掛樹枝菜畦花競發荳圃莢將垂地暖徧宜浴泉清不受緇歸途逢牧豎扣角唱蠻詞

永平山中見艷山花

花如石楠土人謂爲艷山花

東風初動發穠華正月春光燦彩霞一路茜紅看不盡參差開遍艷山花

人日重經蘭津橋

去歲經過未浹旬今行不覺已新春卻逢杜叟題詩

日來作滄江問渡人。遲日綠波濃似染。晴峯碧樹淨無塵。曾聞此地稱天險。漢代遺踪尙未湮。

宿永平觀土人鬧元宵

上元佳節慶豐和。羊鼓蘆笙蠻樂多。粧學梨園鬧街市。望門齊唱百花歌。

萬箭樹

瀾滄江南段氏時。蒲蠻出沒經此射。樹馱勝

至今鏃如蝟刺

行尋古蹟瘴江邊。聞說蒲蠻此控弦。不是昔年因馱勝。樹名那得到今傳。

卯酒

卯酒易爲醉。驅車入睡鄉。不知山路峻。倏已過層岡。
午憩萬松閣

貞木滿空山。風過松釵落。拄藤上危巒。蒼翠染雙屩。

犬吠山天妃祠

將軍左次避征塵。犬吠雲中忽見人。自是神靈庇忠義。至今遺廟歷千春。

過雲龍橋

發源星宿幾縈迴。峽束江腰亦壯哉。百里遙連洱海合。千層曲自劒川來。流行決地奔成浪。石激驚湍怒

作雷不有長虹駕山岸誰能飛渡白雲堆

大覺寺山茶

花大如盤

鹿苑花何艷茶開勝牡丹扶疎標異質層疊顯奇觀
麗剪朱霞錦光分赤玉盤春風應久駐莫遣便形殘

過龍尾關

長日人從天半行飄飄衣袂逐雲輕倭遲歷盡關前
路祇聽風聲和水聲

大理四景

大理郡枕點蒼山面洱海南北有龍首龍尾
二關誠滇中一形勝也世傳風花雪月四景

下關時多大風上關有花開十二瓣遇有閏
月則十三瓣如古所傳萸莢者又有蝴蝶花
開則蝴蝶滿樹點蒼山積雪經夏不消洱海
兩山夾峙處每月落後水底月影獨在皆奇
景也各以絕句誌之

下關風

卽龍尾關

噫氣如何不厭頻怒號無復間昏晨飛廉過處驚沙
起爭似崑崙解袪塵

上關花

卽龍首關

萸莢堯時記歲華何緣此地有奇葩居人更指堪憐

處蝴蝶羣依蝴蝶花

蒼山雪

點蒼應不讓峩眉
舉嶽高峯積雪時
暑月未消凝瑞葉
爲珪成壁總稱奇

海底月

多於天生橋見之

石虹噴沫氣陰森
碧海清天夜色沈
偏是望舒傾魄後
飛光長自印波心

點蒼山

點蒼山頭瀑布泉
水簾斜掛珠光鮮
點蒼積雪沒巖骨
遙睇青山生白髮
泉飛積雪隱丹梯
樹裏清猿望

客啼亂雲千疊鎖
層嶂一路烟霞送
馬蹄馬蹄高下
何時歇石棧凌空
接天闕十九峯懸
鳥外青岩堯萬
古遮新月

香崑

點蒼山中峯之半
香從空來世傳釋
迦佛苦

行地

雲烟縹緲護層臺
聞說瞿曇定後開
疑有旃檀發天外
半空常散妙香來

唐梅

在喜洲靈會寺
寺建于唐蒙氏時
勅寺卽植

此梅花開千葉色似杏而淺子皆雙結幹既
蒼老枝尤奇古玲瓏如太湖石狀信千年物
也

老樹槎枒發古香傳來天寶歷年長多應曾識閣羅
鳳闥遍春風千百場

黑龍井

朝看龍井氣氤氳潭上常成五色雲忽發腥風欲捲
壑川晴溪兩片時分

春感

東風蕩漾洱河渚桃柳芳霏亂情緒山頭杜宇喚人

歸月照青天天不語

阿耨詩心懸明月照青天天
不語今三載

上元前一夕

羲馭不宥停駝晚向昏暮製電鳴迅雷驟雨忽如注
瞬息見晴光明月掛高樹山影立無聲古雪遙積素
冶遊樂繁節簫鼓喧衢路客坐歎沈寥起向庭前步
緬想家園中此夕歡童孺

元夕

佳節正傳柑春城紛火樹無端雷電攪芳辰淡恐浮
雲遮顧鬼誰知月色夜來明淮雨扶風陰復晴少年
遊冶競相逐鼓聲時和踏歌聲

婦負石

大理府南十里陽和舖右世傳漢兵入境觀
音大士化一婦人以稻草縻大石背負而行
將士見之吐舌曰婦人膂力如此男子可知
兵遂卻居人德之建寺祀大士今石尚在寺

中

春日驅車向葉榆郊坵一寺當通衢寺中有石形突
兀相傳古蹟非虛誣在昔漢兵方入境道逢一婦力
雄猛以草縻石負而趨三軍驚愕不敢逞婦猶如此
况男兒卻敵賢於十萬師閭閻詫異爭傳說大士化

身拯阽危共思酬德修禋祀紺殿輝煌踞洱水點蒼
巖嶂水悠悠遺踪經歷幾千秋君不見南詔於今列
郡縣此石巋然人盡見六合之大何必無神奇要荒
怪事安足疑

聞子規

行行只在夜郎西開盡桃花紅滿蹊杜宇似憐飄泊
久故來簷外盡情啼

西洱河

卽葉榆水

榆水源流自鄧川行經九曲

蓮花大鶴蟠磯鳳翼
蘿葍牛角波垵高崑勢

蜿蜒青搖岸柳添春色碧映江楓破曉烟三島

金梭
赤文

玉僊踪從昔著四洲青莎鼻大貫名勝到今傳師當

十萬誇天險石上畱題尚儼然大鶴洲東壁上刻云

人空有客三千

葉榆官舍

鶴拓奇觀一望收昔年曾說五華樓蒼山古雪當窓

見玉局晴雲向几流龍氣遙連常欲雨風聲不斷恍

疑秋南天正月花如錦萬里真成汗漫遊

畫卦臺

在蒼山龍泉峯下世傳武侯於草萊中得石

刻伏羲像因作八卦臺祀之土人名為祭天

臺

當年聲教達天陲畫卦人知祀伏羲此日龍泉峯下

過猶傳承相築臺時

天威逕

武侯擒孟獲獲曰公天威也後人遂名龍關

以西曰天威逕

神威到處靖烽烟千載名垂瘴嶺邊戰馬不嘶關塞

月望來古道直如弦

夕陽鴛浦

洱河水日落後馬龍峯崑中透日光一線直

射水中有鴛鴦數對浴於光內景殊可觀
一線斜陽照綠波鴛鴦逐隊浴盤渦樓頭誰氏懷春
女驀見無端歛翠蛾

魚窟丹青

洱水湊東山之麓風濤嚙處成石窟高四丈
如室宇斗拱榱桷宛然肖似嵐光水氣薰染
皆成紫碧丹青漁家居之不知其寒泛舟遊
觀恍如仙境

翠染丹鋪石窟寬清風徐拂不知寒何當去學烟波
子一領漁蓑一釣竿

崇聖寺

一名三塔寺在大理郡西二里有三浮圖其
一高三百餘尺十六級形方而中空腹肥而
末銳旁二浮圖差小各錯金爲頂頂有金鵬
塔上鐫唐貞觀六年尉遲敬德建造寺門書
佛都二大字筆法精妙門內鐘樓懸洪鐘聲
聞百里有元學士李道源碑紀段氏勳績三
塔峙立金碧交輝巨麗與蒼山埒望之如崑
崙閬苑間

水色山光迥不羣珠宮鉅麗矗層雲千尋塔影中天

出五夜鐘聲百里聞古鐵尚留唐代記遺碑猶說段
家勳佛都墨妙傳來遠何必還尋貝葉文

賦得夢裡還家不當歸

天涯鄉思枕邊生萬里征夫一夕行入室家人爭問
訊牽裾穉子笑相迎尊前細數歸途事醉後重申去
日程遮莫語音還在耳半牀春月照衾明

楊升菴太史寫韻樓

在感通寺中

當年太史此中遊傑構依然春復秋漢鼎已遷無舊
社蒼山雖遠有高樓荷戈萬里名仍在遺墨三生蹟
尚畱大雅於今還不泯每逢父老說風流

花朝

憶昨中和節正臨流鶯無賴弄嬌音不須一曲春光
好此地花開蚤滿林

看花

枝頭紅紫鬪新粧二月林間百卉芳莫怪看花人太
急年年花更爲人忙

兩銅觀音像

唐蒙氏時有童善明者發願鑄二丈四尺觀
音大士像是夕天雨銅遂取以鑄像工成之
日瑞光五色凝覆全境人皆異之今銅像尚

在崇聖寺

偶尋忍草過山中奇蹟人傳天雨銅一念精誠通碧
落千年像設壯珠宮莊嚴色相蘭峯畔縹緲雲烟榆
水東自是古稱西域地瞿曇遺教滿虛空

翠微堂

在三塔寺

客窓日日漫拈毫偶出尋芳豈憚勞二月鶯花春正
好百年詩酒興偏豪風翻紅雨杯中落戶揖青山雲
外高吟眺卻忘天欲暮夕陽斜照散林臯

雨花臺

在三塔寺

曾揆金陵勝蹟來今遊萬里此登臺散花天女猶傳

也說法維摩安在哉幽徑蒼松露鱗甲空壇白石長
莓苔何當直躡丹梯上袖拂星辰雲漢開

勝槩樓

在三塔寺

春風驅馬試探幽乘興還登勝槩樓好鳥聲聲林外
囀小舸點點鏡中遊雲根積翠山光艷天柱凌空塔
影浮我欲飛身向霄漢翱翔寥廓駕蒼虬

春日遊山寺見龍女花

龍女花生寶藏山今諸寺往往見之蓋山茶
之屬也然山茶五十餘品滇中稱盛而此花
不與焉樹高數丈花白如銀歷冬迄春開百

餘日香氣襲人想因教典中得名故稱龍女
洪武間感通寺僧無極入觀獻花卽此

閒趁東風信馬蹄尋幽次第過招提
鶴王殿廻黃金麗龍女花開白玉齊
月下見來香自異雪中望去色全迷
何年夢綠臨凡世畱與遊人漫品題

一塔寺 一名弘聖寺

典來策馬逐東風幽徑斜穿古寺通
雄踞兩關龍伯宅高懸一塔鴈王宮
寶坊猶說唐時建遺廟還酬漢相功

寺前有諸葛丞相祠

極目海天看不盡樹聲樓

寺中外夕樓名

陽紅

遊文殊寺

春遊乘興向松關身入烟鬟縹緲間
祇樹烏啼千嶂靜禪房雲臥一僧閒
傾將茗椀澆塵慮卻對山花開笑顏
更想王喬舊笙鶴闔風何處得追攀

欲遊帝釋寺不果

在應樂峯下

遙睇晴雲杳靄間浮生難得此身閒
曾聞夜奏鈞天樂幾欲春眠帝釋山
咫尺烟霞空悵望嶽嶽寄雲壑待
躋攀如何塵埃拘牽盡不及樵夫日往還

上巳過青華洞

重向青華洞裏看去年曾此駐征鞍
他鄉馬上逢修

禊古寺樽前想執蘭山鳥巧窺丹室杳日光微逗石
窓寒烟霞處處畱人住無那風塵席未安

危峯夜月

孤峯矗起儼卓筆拔地干霄幾千尺昇后高飛出廣
寒青銅新磨掛蒼壁清光照處夜涼生萬里無雲河
漢橫羈人望遠倚闌立風吹露氣花冥冥

楚雄道中

遠岡一望帶平沙征轡迢遙鳥道賒蝴蝶花殘春已
晚杜鵑聲急日將斜石龍坡下流泉細鳴鳳山頭暮
靄遮忽聽吹箏響前路隔林驚起一羣鴉

石雲菴

祿豐縣東有龍潭境殊幽峭外兩山屹立石
壁鐫石門天塹四大字又刻古渡石門讀碑
記云武侯南征鑿此通祿擘甸故名石門旁
有石雲菴

鑿開天塹接丹梯絕壁于今有舊題雲起波心識龍
出月明松頂聽猿啼虛堂僧定鳥窺戶幽澗石鳴泉
到谿讀罷古碑嗟漢相遺名多在夜郎西

安寧道中

滇西官路少人家層岡複嶂山嵯砑豔卉芳菲鬪紅

白木香花間杜鵑花天晴地暖風光好三月遊春覺
春老枝上數聲幽鳥鳴似笑行人歸不早

聞鷓鴣

雨餘遠陌潤蘼蕪車過春山聽鷓鴣蠻鳥尚知行不
得羈人日日在征途

思歸

一從萬里客天涯清夢何時不到家莫爲春淡緩歸
棹故園猶有未開花

浴安寧溫泉

各處溫泉多屬產硫黃惟此泉巖
罅時有丹砂

客遊曾歷幾溫泉自是螿川別有天鼎養丹砂滓不

染爐鎔鉛汞煥如燃從教一浴紅塵淨應羨千秋碧
水傳三百六旬春氣滿不須改火候常偏

呂合道中仙人骨

鎮南州五樓山有碎石如朴硝人掘而粉之
以敷瘡疾立效相傳張明亨化於此

昔聽說神仙每笑太荒忽遊歷多見聞怪誕理難核
客行適威楚驛路山硯砥白樓露白石晶瑩鑑毫髮
父老爲予言是名仙人骨唐時張氏子修真志超越
呂翁授神漿不飲意捏抔仰視昇雲霄懷慚遽奄沒
遺骨救世人療瘡効倉猝至今巖崖間此石取不竭

志乘傳仙跡我語非恍惚言罷再三歎博施願誰發
茫茫天地中紅塵幾時歇濟物捐體膚寸心足津後
臥龍岡

楚雄府西五里武侯南征屯兵于此土人思
之故名

當年抱膝隱南陽一出堪悲志未揚留得芳名在威
楚至今人指臥龍岡

金蟾石

楚雄府西鳴鳳山腹有磬石高五尺餘濶倍
之其裂隙可容指而內稍濶深不可度有物

如蝦蟇而差小形絢五色隱見不常蓋數百
年物也過者多以銀及貝呼而投之彼或視
或含然罕得遇偶相值者輒有瑞應焉

鳴鳳列羣岫蜿蜒亘道里山腰有磬石裂罅對如齒
其中可容拳其外僅容指深屈潛奇物金背足鼎趾
鑿形字曰蟾睛瑩復口哆靈異頗莫測隱見無定止
故老相傳言經歷幾百祀行人紛往來窺矚少停晷
投金及擲貝或含亦或視往往不可遇遇之占瑞祉
窮通屢有驗意者達元理精華竊天地滋養神不死
靜久氣愈全不然胡能爾

五日威楚署中

每遇芳辰憶故鄉。薰風吹客又端陽。榴花那得紅裙妬。艾葉空隨碧草長。符可辟兵原怪誕。縷傳續命亦荒唐。天涯無計能排悶。祇有高眠是秘方。

端陽後五日重浴溫泉疊前韻

紆路重遊碧玉泉。薰風披拂夕陽天。常如火井原無盡。似浴蘭湯氣藹然。去垢可能同鷺潔。垂名豈待以山傳。徜徉足散羈人悶。漫向天涯羨地偏。

過玉溪橋在新興州

玉溪橋外路紆迴。百尺長虹駕水隈。征騎競穿烟草

亂好風。忽送岸花來。村居恰似江南景。槐柳新從舍北栽。瞥見紅妝窺過客。倚門笑指漫相猜。

晚過曲江

臨安東北九十里有曲江橋長三十丈廣三

丈元時建

沙擁黃波千百迴。偶逢石觸怒如雷。何年夾岸通山去。賸有飛虹駕水來。新漲遙連芳草合。浮烟隱映遠天開。經過不覺滄江晚。夕鳥投林暮靄催。

土餅

臨安府城南樂榮山有土香美作餅炙熟可

食爨人孕婦多嗜之往往入市購買

不信山頭土甘香可作餐市中陳餅餌爽婦笑相看

煥文山

巖峩千仞對層城一抹青螺畫不成霽後山容渾似
沐曉來樹色覺逾清高岑猶自傳仙隱遙夜時聞有
雀聲在笏漫消遊子恨眼中雲壑足移情

响町署中 响音鈎町音挺

征輶迢遞過迤東形勝曾傳响町雄瀘水遠流青嶂
外文山高峙碧霄中風傳推戶人忘暑雨便衣綿候
不同日向樓頭對雲壑可因旅泊怨飄蓬

釣鰲亭

臨安學宮泮池頗寬廣周環百丈澄然一泓

煥山印入色如點翠上建亭四圍植柳

宛在水中央清波映綠楊輕風吹客袂時作藻芹香

浴臨安溫泉

在曲江城西三里許流泉氣如飯甑湯可燂

雞

誰司爐冶暖于湯活活流泉出遠岡山不在高巖亦
異水能澡德石皆香多應伏巖烹砂久可有藏硫吐
燄長造物欲除塵世垢官辭終古為人忙

午憇翠屏行署

滇南六月氣如秋雨過烟嵐山外浮暫對翠屏恣眺
咏頓忘朱夏足淹留車塵時向溫風起馬迹頻穿疊
嶂遊賸有閒禽能愛客疎林歷歷語聲幽

過象山

紆曲復崔嵬高懸勢欲摧車從巖隙度雲出澗中來
山貌疑眠象泉聲作吼雷爲貪看瀑布少憇坐莓苔

宿秀山官舍

南天溼夏裏兩度駐征鞍瓜果誇繁殖山川足壯觀
月臨虛室白風入客衾寒恰似清商候吟蟲語夜闌

宿江川

豈不憚行役登臨亦適情明窓環列岫落日映孤城
樓迥夜還爽庭空暑復清條然滌煩慮兩腋覺風生

泛撫仙湖

經年不復涉波濤此日舟行興自豪破浪喜看帆正
駛乘風那覺路爲勞金蓮湧出孤山迥玉筍遙連列
嶂高彷彿江南好烟景豈辭疎雨點征袍

金蓮玉筍
孤山皆嶺

江山
名

江川古樹

春初葉萌自南北旱自北兆雨自西風雨時

禾稼登歷驗

何年喬木葉扶疎豐歉曾傳驗不虛應是靈根得氣
早農家卜歲望春初

盟石

在澂江府城北道傍蒙氏細奴邏欲張樂進
讓位乃拔劔斫石曰如屬我劔入此石遂入
石二尺許

道傍突兀臥雲根南詔猶傳古蹟存聞說蠻王曾試
劔至今頑石尚畱痕

星迴節

滇中六月二十四日爲星迴節俗名火把節
家家燒松火團聚啖生肉啣酒爲樂兒童向
尊長撒火以爲敬家畜馬者馳驟街衢間云
使馬不駭視諸郡皆然相沿已久滇史謂起
于南詔鄧賧妃慈善故事○今猥彝以二十
四日爲節民間皆二十五日

滇南六月廿四日家家燒松光照室兒童撒火敬尊
親啖生啣酒笑聲啞千門萬戶火燭天羣萃歡娛夜
不眠少年躍馬競馳逐康衢人語爭喧闐相傳南詔
皮羅閣并吞九十九部落五詔趣宴松明樓祝融一

炬盡焦灼鄧睽夫人慈善名畱夫不住含悲情鐵釧
約臂辨殘燼九原可從淚縱橫貞操直北清霜皎德
源城上烟縹緲至今令節重星迴赤龍吐燄騰雲表
寒食曾聞弔介推競渡猶爲屈子哀此日蠻妃堪鼎
足媲美前修何壯哉吁嗟乎人生大節豈必在丈夫
閨中弱質志氣殊精誠凜凜不可誣秉葵之好何人
無

澂江官舍

漫隨征旆駐河陽寂寂虛堂暑氣涼
几上雲常流素影餅中蓮亦送清香
恰宜靜坐聽琴韻卻爲閒忙著
藥方明月獨憐人客久夜溪常自伴
藜牀

夜坐

南天六月暑初殘長日論文到夜闌
雨滴三更孤客怨蟲吟四壁一燈寒
硯穿未了書生債裘敝空歌行路難
迢遞關山歸夢遠故園花發幾時看

遊慶善寺

上方花雨散諸天幽徑迴廊晝寂然
長夏恰宜消暑處遠亭碧沼泛紅蓮

自澂江過宜良百餘里皆山

竟日行山中杳不見人跡長岡復平峻
仄嶺高還窄

衆山如浪湧嶮巖蹲怪石攀磴膝拄頤下阪巖瞰脊
新松翠欲流白雲滿巾烏委迤七十里坪坳露阡陌
茅屋十數家雞豚兩三柵驟見官長過童叟盡辟易
前途無村烟彌望景蕭索斜陽掛列岫紅紫羅衽席
解鞍憇郵亭一枕東方白

諸葛營

宜良小石嶺爲孔明治兵處

孟獲生擒雍闓平軍行曾此一屯營英雄遺恨三分
業神武猶傳七縱名身入蠻烟畱壘在心隨漢月共
天清爽人也解前朝事遙指高岑說孔明

道經路南數十里無居人就山頂縛松爲棚午

餐是日天暑甚

滇中比比皆然不獨一處

寂寂昆州路荒村何處尋暫依松作舍祇眇日成陰
解帶亦恬適開尊且共斟清風應不遠炎景漫相侵
渡巴盤江

峯到江邊斷征鞭暫向閒波平宜用楫浪穩便看山
流已經千折岡還歷幾灣輕風消溽暑傾耳聽潺潺
石門山

陸涼州東平壤之上石筍森布如林周匝十
餘里行人往來其中故曰石門

長岡勢蜿蜒曠望露瑰環平壤抽石筍森布如關隘

遙矚疑茂林稍近儼營砦形狀有萬殊分羅似八卦
奇峯特秀出挺拔無芥蒂早立泥沙中蒼然表孤介
森森列屏嶂幽絕勝圖畫胡不生中區異質發光怪
而乃潛荒陬烟霞伴瀟灑我行見山多對此大稱快
園亭得移置玩賞踰珪玠磊落清塵心欲學米顛拜
霽後過木容山

連朝苦霪雨今日喜新晴陌上無塵起田間有水聲
孤峯半天秀雙眼一時明爲愛看山色停車待友生
瀟湘江

去年此日泛瀟湘今見江名似楚鄉客况不殊流自

急家園有夢路偏長連空波色時搖碧落照山容倏
變黃策馬競穿橋畔去輕風拂拂薜蘿香

臨漪樓

曲靖府城北俯瞰蓮沼水天一碧

碧沼芙渠面面開樓頭時覺送香來輕風不待迎涼
草長日頻傾避暑杯與古城邊畱勝蹟負金山外望
層臺水天一色渾如畫祇愧曾無作賦才

七夕

繡幄雲軒何處逢難將私願乞從容空傳漢帝遲青
鳥不見仙人駕赤龍五色綬連波灩灩九華燈照月
溶溶曾聞綺節歡娛夜百子樓頭樂正濃

李元禮碑

曲靖府城南相傳李膺以黨錮流妻于於石城故有是碑

甘陵黨禍漢庭空標榜名垂青史中炎祚久湮無宿
草石城依舊仰流風猶傳勝蹟荒碑在知是遐方懿
好同弔古不禁悲往事可憐遺恨泣英雄

亦隆道中

近永靖峭道傍石壁鐫高山流水四大字

何人發豪興濡墨鏤雲根苔蘚侵遺跡冰霜蝕舊痕
山啣浴照遠水到小橋喧幾度經過客偏聞嘯暮猿

偶遊西寺

紺宇傳遺教猶題月印川千形羅四壁五座列諸天
貌古黃金麗庭閒白塔懸誰能空所有解煉火中蓮

昆明書院

松影篩殘白日青衆山如掌列門屏夜溪常作風濤
響多少書生閣筆聽

落葉

秋至木葉落風吹滿庭中榮枯自往復何必怨西風

昆明懷古

遠攜書劍向昆明搖落偏淡弔古情萬里山川供指
顧千年形勝任崢嶸峯前無復騰金馬池上憑誰問
石鯨疎樹夕陽人寂寞彩雲何處更縱橫

秋懷

入秋風雨倍淒淒。獨客天涯憶故谿。落木飄蕭滇水
上。征車迢遞夜郎西。空憐壯志悲黃鵠。底事閒踪滯
碧鷄。兒女團圓歸便得。不須悵望越雲低。

聚遠亭

高閣凌空曲徑長。雲璈響處醉飛觴。雨篩石罅繁
花發。風送巖前叢桂香。四面山來窺几席。一泓水入
遶廊。當年歌舞今何在。烟草淒迷帶夕陽。

遊五華山拜雲亭

去年擬向五華遊。此日纔登最上頭。俯視萬家知井
聚。遙看一髮是山浮。窺人幽鳥聲聲轉。伴客閑雲片

片流滌盡俗塵神。更爽西風吹袂報中秋。

五華寺

紺宇猶存只一楹。憑欄冉冉白雲生。老僧齋罷渾無
事。攜杖還來問客名。

快活林觀荷

綽約偏宜秋水間。波中捧出美人顏。清芬陣陣侵衣
袂。那得相逢贈玉環。

白衣寺閣上觀荷

一望紅渠映碧川。葉傾珠露藥含烟。閒憑高閣忘歸
去。何必重尋衣鉢蓮。

滇池產衣鉢蓮花盤千葉藥分
三色

演武場銅犀

何年防水鑄銅犀
閱盡典亡鎮碧雞
坐對城濠看過
客彩雲飛處夕陽西

八月十四夜

皓魄將圓桂影纖
浮雲早已避銀蟾
故鄉有夢人如
醉一夜清霜上短髯

中秋

獨對孤燈夜向闌
清暉難教旅人歎
碧天如洗星河
迥那得文簫駕綵鸞

郊外見遊女

歸化寺前有菴塑肉身僧像
滇中婦女於中秋前後共向菴中焚楮祈禳遊人紛紛攜樽為樂

底事中秋化紙錢
紅妝隊隊踏晴烟
遊人爭向菴前去
席地開樽到暮天

偶過東嶽宮

暇日閒從郭外過
道傍祠廟貌巍峩
山門列肆供錢楮
厨舍烹鮮饜綺羅

是日婦女紛紛聚食廟後

壁上冥神圖像

盛兩廊塑畫善惡果報

池邊嫠女哭聲多

滇中人死其家俱向嶽廟後池邊焚楮慟

哭婦女終日不絕

岱宗可預人間事
蠻俗其如尙鬼何

秋半郊遊

無計從驅客子愁，漫從郊外豁雙眸。
烟霞遠近青山老，禾黍高低綠野稠。
荒逕雲深藏古寺，長天風急報中秋。
阮公何處不辭醉，潦倒何妨解杖頭。

遊銅瓦寺

殿祀真武棟宇以銅爲之，階級迴欄皆點蒼石圍築小城。
遙睇珠宮隱女牆，迎仙橋下水湯湯。
雲流梯石闌干碧，石映薨金棟牖黃。
老檜滿林山貌古，微風拂草馬蹄香。
道人更有茶瓜在，脫帽何妨取次嘗。

登斗母閣

白雲間擁最高樓，面面烟嵐指顧收。
市遠喜無塵事擾，客來應有好詩留。
庭花數種色偏艷，山鳥一鳴聲更幽。
何必攜琴發清響，澗水瀟瀟石間流。

主人有饋柳葉硃砂丁香者，花頗耐久，清芬襲人。

綽約嬌姿似不勝，何因得伴旅人燈。
好憑百葢同心結，畱作三秋耐久朋。

旅懷

長缺空彈客瘴鄉，芳時容易教神傷。
橐中金盡畱詩

草鏡裏心驚惜鬢霜未免有情如中酒縱然無病亦
支牀何緣得解文園渴漫道相逢典鷓鴣

重陽前一夕夢回口占

夢裏還家泛菊觴共言明日是重陽覺來燭跋猶垂
淚怕聽蟲聲語夜長

九日

迎涼佳節客中過對酒其如旅思何賜橘已無遊宦
想登峯且聽美人歌憑嘲落帽流風遠敢信題糕豪
興多每憶青蓮響山句自憐衰鬢漫婆娑

太白九日登響山寄

崔侍御詩有云九日茱萸熟插鬢傷早白登高望山海滿目悲古昔

九日漫成

曾傳千騎會龍沙措大難逢載酒車但得文峯聞一
曲不須開遍杜鵑花

見月

更漏初長獨坐時忽看涼月墮高枝清光可但空庭
得素彩從教宿鳥疑偶動菊叢篩影碎巧窺紙帳逗
眠遲霜娥多是憐孤寂與我成三快舉卮

老檜

數株老檜倚天際俯視一切何崢嶸不畏清霜顏自
古每逢皎月影逾清日中常作虬龍勢夜半時聞風

雨聲閱盡歲華存。晚節肯同弱。植博浮名

乍寒

滇南欲雨如欲雪。陰霧乍結。風威嚴客。子披裘不知
暖。何當去覓卻寒簾。

孟獲墳

當衢小塔洞門通。聞道蠻王瘞。此中車馬往來紛似
織。至今人數武侯功。

碧雞山

層巒高峙彩雲西。遺跡猶傳祀碧雞。巖下綠波清見
底。天邊青嶂迥還齊。雲橫峯頂無飛鳥。雨過山腰有

斷蛻。辛苦王生成底事。誰能憑弔不畱題。

過螳螂川

去年經此雪漫漫。今日風高又送寒。頻褰客囊川上
去。幾回清景畫中看。波搖翠縠舟移岸。烟抹青螺樹
隱巒。歲月易流蓬鬢改。夢魂長向越江干。

月夜泛小舟遊溫泉

放櫂溫泉去。烟流岸樹縈。月窺人影瘦。寒向客衣生。
曲澗依峯轉。迴波逐艇行。隔林燈火出。知有僕夫迎。
宿碧玉泉

爲愛碧玉泉。一年遊幾度。登高眺雲壑。葱蒨羅烟樹。

巖邊灑灑流清泉
甃石朱欄護綠川
候無冬夏氣常
暖每浴令我心
悠然我歷溫泉
已三四江北波
澄頗
怡悅金齒不足
數曲江亦炎熱
何如此泉佳不
愧稱
第一榜曰第一泉
興來襍被且高
眠明月當天風
測測人
生行樂貴適志
安用勞勞苦牽
率

遊曹溪弘濟寺

披榛探幽蹟
紆曲環羣峯
徑轉溪迴藏
古寺巋然獨
峙空山中
老僧延客進
杯茗爲言此
地饒奇景
每逢
二八魄圓時
月印佛腹清
光冷寺傍
咫尺有靈泉
金背蝦蟇豈
偶然一日三
潮洵足異人
稱聖水非虛
傳

中秋夕月印彌勒佛腹○寺傍小泉一日三潮有金蝦蟇浮水而出見之吉利

雲堂寂歷豐碑在太史遺文詳記載楊升菴太史有碑記侈談

往事廢興多只有青山存舊態我聞嶺南禪派說曹
溪一滴傳燈代可稽如何荒徼名猶是曲唱誰家迷
不迷從來勝地多僧占嘯傲烟霞倩不厭吁嗟乎茫
茫塵世等浮漚半日偷閒淡俗念

曉行祿豐道中

征鞭過指夜郎西嶺路迴盤高復低一縷羊腸難驟
馬數椽茅舍不聞雞空山月落還屯霧仄徑泉鳴知
近谿滿地巖霜渾似雪枝頭猶有子規啼

夜次廣通

趁月度前山崎嶇幾百灣孤燈明遠戍一騎向重關
枯木疑人立危坡露石斑不須歌蜀道始信旅遊艱

廣通行署丈紅花盛開

時仲冬十日

從來弱卉鬪春華那見霜飛發艷葩路賤正逢長至
候滿庭開遍丈紅花

威楚道中

底事將身試瘴烟迢迢嶺嶂以登天經冬野樹常留
葉小雨長虹下飲川蠻語支離如鳥嘯茅廬零落與
山連每看風景添鄉思遙望越雲何處邊

滇南懷古十首次馬磊齋郡丞韻

建文皇帝

遜國間關春復秋把茅結向萬峯頭漫揮玉麈心難
死每憶金川淚暗流建業衣冠爭盡節獅山草木尚
含愁至今龍隱菴前路野鳥聲聲叫未休

帝結茅獅
子山名龍

隱菴

司馬大夫相如

漢武才雄勢可支中郎建節向滇池遐方入貢非常
事文教初開未是癡昆水常羞習戰日絳帷張叔受
經時千年荒域傳遺矩論蜀風流自可師

馬新息侯援

五溪百戰建殊勳銅柱威名自昔聞蠻土至今猶有
廟雲臺何事獨遺君關山設險高還峻草木流香醉
欲醺海濶天空遺墨古夔人爭拜漢將軍侯書海濶
天空四字

諸葛武侯亮

丞相南征振遠猷芳踪到處尚堪求三分策自隆中
定七縱功成徼外謀畫譜新傳開絕域琴音初發靜
蠻謳渡瀘尚想天威在遺廟紛紛樹柏楸相傳漢中
向不知琴

書武侯作
譜遺之

關將軍索

祠外森森竹有孫蘆笙無數薦芳樽共誇壯繆貽謀
遠卻使威名此地存功比五丁開蜀道事傳三國震
山村高岑巖窠豐碑在始信人生忠孝尊大小關嶺
皆有廟

韋檢校仁壽

不愁越巒肆憑陵西瀾河邊盡服膺池壁旣成爭向
化麩苗何事敢相矜七州已拓幅幘廣千里新教戶
口增正好南寧期撫定如何竇軌作蒼鷹

王待制禕

撻伐軍威勢甚張何緣當轍有螳螂欲憑寸舌安邊

傲肯爲千金飽客裝飾烈自垂開國史忠貞難化夜
郎王雲津橋外人如織猶道祇林是北邙公葬省城蕭寺

沐國公英

開國殊勳鎮極邊威名猶自說當年五華甲第留荒
阜六詔狼烽靖遠天瘴雨欲消烟寂寞蠻箐還憶陣
迴旋昆明池水渾如昔何處春風泣杜鵑公宅在五華山

楊修撰慎

折檻丹誠豈是在荷戈一去老邊荒時憑筆墨消長
日間向林泉坐夕陽揮灑直疑濤傾峽登高不羨馬
如驪於今遺跡滇南滿姓氏猶傳翰苑香

楊參議畏知

精忠直欲把天撐萬里孤臣一死輕共羨登陴擐甲
胄卽看投幘愧簪纓丹心炳日獨留碧浩氣干霄豈
畏雲墓木蕭蕭威楚路春來愁聽子規鳴沙寇圍楚雄公堅守
二載及孫可望欲殺公投幘大罵而死

旅店聞鷄

天欲曙鷄先鳴一鷄初鳴衆鷄應千門萬戶晨光生
行人結伴趨登程驅車爭向前途出世間名利苦牽
率白髮蕭蕭此生畢

高頂寺

寂歷郊西路，翛然古寺存。
登山情自淡，對佛靜無言。
泉冷容龍臥，林深任鳥喧。
老僧忘世味，枯坐倚雲根。
趣裝
坐來未爨，又登程。只說輕裝便遠行。
檢點客囊無長物，殘書數卷最關情。

早起

在家靜無事，一枕日三竿。
今行不得閒，辨色趣征鞍。
紛紛名利何時止，人生那得不早起。
我兩無營，胡不歸高春，偃息茅檐裡。

路賸道中用少陵南極詩韻

忽見千峯聚，寒烟隔岫分。
山空宜受月，地迥只藏雲。
鳥影穿林見，泉聲激石聞。
泥深留馬跡，風急叫猿羣。
遊子悲岐路，樵歸亂夕曛。
猶傳石鼓畔，曾駐武侯軍。
宿鎮南州
朝度薇溪山，暮投石鼓住。
征旆橫分古嶺雲，殘陽尚戀孤亭樹。
風景依稀三月天，山花山草自爭妍。
遊人莫但懷鄉土，何處春光不可憐。

宿普湖大風烈甚勢欲發屋竟夕不得眠走筆
放歌

元冥方執權，飛廉遽播虐。
巽二封家媿，乘勢似期約。

客行憇郵亭解鞍欣所託一枕猶未安狂飈振林薄
驟如萬騎奔騰赴戰場霜蹄蹶石聲擊搏迅如錢塘
江上湧秋潮子胥奮威盪魂魄響如天帝震怒轟雷
霆雨師電母競揮霍勇如共工戰不勝頭觸不周山
崩勢猛惡喧如楚師戰鉅鹿涉閒禽王離走枹鼓不
絕亦相格客憂旅舍傾相顧共驚愕祝詞告風伯且
莫相戲謔幸生太平世兩暘喜時若爾有何不平噫
氣恣磅礴五日一風不鳴條爾豈未聞忘忖度區區
行旅何足言只恐農家望膏澤颯然夜漏長似聞風
伯諾君不見太虛茫茫澹無爲物自華滋與搖落嗟
爾羣生林林總總數比恒河沙祁寒暑雨安能一一
慰願使快樂滇南山高自多風理有固然豈寥廓君
行自解事何用逞談噓我聞心灑然此語非穿鑿但
理征車事遠遊莫以怒號歎蕭索何當去學御風行
直上丹青駕鸞鶴

菩提菴

結茅當嶺半寂歷掩松關低樹迎朝旭流霞戀晚山
鳥窺僧飯下雲護佛堂閒巖骨泉流滑苔痕繡石斑
過龍尾關

朔風蕭蕭葉亂鳴龍尾關前沙滿城征車飄搖馬欲

蹶循崖屈曲如蛇行飛廉何太怒晝夜不絕聲峯當
仄徑立石與怒濤爭一望蠶叢四十里嶮巖曾無寸
地平當年南詔稱天險于今山貌徒崢嶸吁嗟兮孟
門太行豈不峻何嘗一日少人行獨憐役役風塵者
卻望鄉關無限情

漾灤用周少陵宿青溪驛韻

怪石如劒攢參錯臥枉渚風吹怒濤立噴激高幾許
時見鳧雛浴湍急失儔侶臨淵悵遠遊目眩不得語
倘無飛虹偃隔岸歎遙阻獨羨烟艇翁漁歌自悽楚

金牛山

淺叢小鳥語啾啾侵曉天清宿霧收一抹青螺浸藍
瀋空山無復見金牛

博南道中

征輪頻轉夜郎西山谷花明水滿溪撫景不堪懷故
里輿人偏學斷猿啼

日日登山山轉遙俯看深霧鎖溪橋怪來寒氣侵人
骨卓午嚴霜尚未消

沙木和

殘臘驅征旆廻環複嶂中山鳴千樹葉車轉一灣風
小澗層冰結懸厓曲逕通前途杳無際天半夕陽紅

渡瀾滄江

客行已信盤江險。又見瀾滄波瀲灩。洪濤怒翻澗底
花。鳥道極天日色。曉羅岷山勢盡壁立。俯瞰奔湍光
閃閃。鐵鎖高懸。蟠螭長。雲霄飛渡通西崦。江聲日夜
鬪雷霆。行人對此氣先斂。華陽黑水惟梁州。漢使輪
蹄歲荏苒。我向哀牢幾度過。衣裾時有烟嵐染。欲渡
未渡拜武侯。馬行半空風亂飈。直上高岡一振衣。遙
睇層巒青幾點。

霽虹橋

羅岷山高峯突兀下。臨急流浮溟渤。石錯疑是蛟螭
蟠。濤喧卻訝雷霆發。大川欲涉苦無梁。聞道昔年柁
結篋。行人欲渡已先愁。日色無光蠻出沒。夜即嚮化
聲。教通織鐵懸梯。駕巖骨共驚飛步。入霄漢。仰視西
岑境。超忽層崖峭壁。卓波上蜀魄。哀猿叫林樾。我行
金齒經春冬。對此茫茫憶吳越。

歲暮五首用滄溟韻

馳驅道路席未煖。轉眼彫年又朔風。臘月再逢六詔
外。春光已到九隆中。相思故國情難遣。翻覺家園路
易通。昨夢歸舟向吳越。布帆先過館娃宮。
每懷骨肉旅愁紛。迢遞關山杳不聞。縱有家書經歲

得。可。堪。客。袂。屢。年。分。乍。驚。陌。上。生。芳。草。空。向。樓。頭。望。
暮。雲。遙。憶。惠。連。當。此。日。啣。杯。應。亦。愴。離。羣。

日。弄。雕。蟲。過。半。生。敢。矜。毛。羽。望。飛。鳴。壯。懷。未。遂。身。先。
老。殘。臘。重。經。客。易。驚。人。在。旅。中。難。曠。達。眼。於。燈。下。不。
分。明。此。行。只。合。看。山。色。浪。說。終。軍。去。請。纓。

擾。擾。車。塵。如。夢。裏。忽。驚。雙。鬢。白。於。絲。漫。憐。踪。跡。渾。無。
定。虛。度。年。華。轉。自。疑。習。靜。莫。教。香。篆。冷。避。寒。且。放。布。
簾。垂。隔。牆。桃。藥。窺。人。笑。不。待。春。風。綻。滿。枝。

韶。華。忽。向。忙。中。度。萬。里。何。時。返。舊。棲。病。婦。持。家。需。藥。
餌。稚。兒。憶。父。倚。門。啼。自。憐。老。至。如。殘。曆。羸。得。身。輕。未。

杖。藜。準。擬。明。年。黃。菊。綻。扁。舟。應。到。月。湖。西。

獨坐

天。涯。孤。客。意。闌。刪。旅。况。蕭。條。獨。掩。關。最。是。閒。情。難。自。
遣。蠻。方。無。處。借。書。看。

歲盡

我。辭。芙。蓉。洲。來。作。滇。池。客。滇。池。風。景。非。故。鄉。身。在。樊。
籠。苦。偏。側。崇。岡。峻。嶺。行。咨。且。何。曾。一。月。停。征。車。論。文。
長。日。過。夜。半。手。腕。爲。脫。腰。難。舒。去。年。殘。臘。滯。金。齒。今。
年。守。歲。仍。畱。此。流。光。促。人。心。情。衰。那。得。容。顏。昔。相。似。
東。風。著。意。惹。人。憐。牆。角。桃。花。紅。欲。然。誰。知。遊。子。思。家。

切歸夢長依鑑水邊

丁卯除夕

鎮日馳驅夢不閒。卻逢殘臘憶刀環。寒檠獨對年將盡。生菜新挑春欲還。自出門來兩除夕。待歸家去一蒼顏。謾言人世老相賤。身在從渠雙鬢斑。

戊辰元日

過隙流光又履端。獻鳩兩度客中看。澆愁且醉傳生酒。知命何勞卻鬼丸。不折松枝當藥飲。誰遣粉荔佐辛盤。征塵役役歸途遠。那得乘風縱羽翰。

春感

潞江春動水清泚。九隆山頭霞作綺。東風不管旅人愁。開遍天桃與穠李。芳草連天布綠茵。啣杯正好樂閒身。故山有屋不肯住。空作遨遊萬里人。

元日遊濯纓亭用少陵元都壇歌韻

太保之山多高峯。山下古潭潛神龍。紆迴澆徑隱谿谷。幾樹梅花間茅屋。紺殿平臨白石壇。烟雲飛繞清晝寒。俯憑浮閣眺池水。湧珠不斷春浪翻。肇歲紅妝競來往。驚看陌上蘼蕪長。客子束縛身都頑。策馬郊遊覺神爽。

會真樓

太保山半舊有毘盧閣迎暉樓爲一郡勝槩

策馬撲幽陟山半。珠宮璀璨凌霄漢。樓外松多曉日
青。嵐雲飛滿爐烟亂。俯看萬井艷芳春。獵獵斜風顛
綠茵。一樹寒梅背巖發。枝頭小鳥傲行人。

觀迎春有感用杜樂遊園歌韻

發歲晴和氣踈爽。新綠芊綿草初長。東風披拂薄霧
開。點點遙峯列如掌。久困樊籠思奮飛。芳辰那得不
遊賞。結伴尋幽驅馬行。康衢瞥見迎春仗。眼看艷冶
鬪紅妝。忽憶家園泛鳥觴。萬里羈人尚未歸。何時一
棹還江上。無端更溯少年時。撫景徒增老大悲。去歲
鞭牛正畱滯。今來再寫頌椒辭。人生如寄已半百。俯

仰空慚孝與慈。寂寞天涯兩年客。浪遊重賦立春詩。

正月三日立春用杜韻

客裏換符纔幾日。又逢金管候春時。綵花飛處常依
樹。繡蝶拋來卻習絲。總爲愁多容易老。且輸身健未
須悲。故鄉有夢不歸去。獨坐空齋自詠詩。

重遊太保山

步出城南門。青山來揖客。巖樹駐春雲。幽景延遊屐。
仰看烟際織杉松。峒堯霄漢削芙蓉。梵宇參差列山
半。群峯顧盼遙相從。巖下猶傳沙壹孕。野史雖多理
難信。只有清泉流不窮。綠疇終古霑膏潤。

水輪行

滇南山多田苦旱老農灌溉忘宵旦終歲辛勤一飽
難極目荒原歎土滿何年巧匠費經營伐竹爲輪轉
運輕臨流接水架山腹天機自動泉如傾不煩人力
功施溥素練平鋪晴亦雨噴瀑造飛勢建瓴光芒隱
若蛟龍舞西成隴上覆黃雲安坐何勞戴笠笠乃知
抱甕計誠拙漢陰老叟徒紛紛

古梅歌

我來龍首關無復昔時葩及遊三塔間始見龍女花
卻羨喜洲靈會寺剏自唐時之蒙氏當年建寺卽植

梅經歷千霜樹獨峙花開千葉子雙成竊脂如杏色
輕盈賞音豈少林君復作賦應推宋廣平孤標偏得
春風早老幹奇枝更蒼老玲瓏宛似太湖石令人一
見開懷抱君不見慈仁松泰山相託根都會聲籍籍
老梅備處隱遐荒不共凡葩爭煊赫傲骨貞心耐歲
寒紛紛蜂蝶敢邀歡生來不作繁華想那官將身伴
牡丹

雷雪行

上元前二日天晴日和夜忽大風雷震雨雪
次日雪後見月色皎然

點蒼山頭有風穴壯夫過此亦愁絕
析丹朝夕縱狂飈聲如吼雷氣凜冽
我來兩度停征輪塵沙蔽天裾
自揭昨喜晴和春正新忽布同雲
日光滅中宵霹靂震青天曉看蒼
山已堆雪霏霏小雨不成絲旋疑
飛霰颺不輟瑞葉輕颺舞半空柳
花散亂穿簾闌多情偏點謝莊衣
無處不留滕六轍寒燠如何候倏
移應是山高陰沍結客廳對此意
蕭然何必懷鄉歎寥沈小童蕪火
勸舉觴忘卻衾裯冷於鐵夜來明
月放清光虛白溶溶足怡悅

點蒼石

昔日曾傳醒酒石競羨平泉擅奇迹
誰知來自點蒼山萬里迢迢非易獲

大理府志李德裕平泉莊有醒酒石卽點蒼山所產石也

我嘗爲榻兼爲屏雲物山川勝刻畫
虎頭妙筆畫不成溽暑涼颺生几席
錯置空齋伴我閒快比良朋共晨夕
祇今身到彩雲邊飽看峯巒盪神魄
故老猶言勝國時詔取雲根高數尺
末年更索鳳凰紋斧鑿空勞白骨積
天生珍異移人情翻使蒸黎游罹厄
貨稱難得供玩好民力幾何良足惜

葉榆水

洱河發源自龍谷涌地如珠流隱伏

葉榆水一名西洱河

谷山下其水伏流別派也世傳黑水伏流別派也 山澗廻盤滙巨津波穿石

穴噴飛瀑洪濤蕩漾長遊鱗秋至油魚味更新海首有石

穴八九月產魏武曾誇冬鰓美紛紛鼎俎陳奇珍魏武

帝四時食製日漁更傳詭異令人眩八月海龍多幻

池鰓魚至冬極美變中秋桂魄正圓時珊瑚撐月波心見八月望夜河海正中有珊瑚

珊瑚樹出水面漁人往往見之世傳冬來水面起雄風

海龍獻寶內典云珊瑚撐月是也

火高數丈列炬紅世間怪事理難詰六合之外誰能

窮冬月海風起火高數丈莫知其故海賦云陰火潛然豈其事與

二月一日用香山韻

遲日上花枝疎影半簾出春色羨三分轉眼忽少一

萬里人未歸奮飛苦無術塔墓昨夜凋夾鐘已應律

靈曜不可留過隙駒何疾月中仙人桂初生當此日

月中桂樹月初則生淮雨復扶風占星易箕畢土暖桃杏開何

待殷七七

社日

風吹點點社翁雨嫩柳舒眉向人舞那得東風懷肉

歸醉聽翠袖歌金縷

重遊崇聖寺

乘春重向寺中遊龍女花香境更幽可寶碑存遺蹟

遠寺有可寶者碑已澄心堂杳淡烟浮元虛淡處翠微接大

乘傳來三慧留雲白山青足千古相看蒼洱共悠悠
澄心翠微元虛漢處皆寺中堂
名大乘三慧皆寺中菴名

萬人塚

按唐書天寶十三載劍南留後李宓南征將
士二十萬敗死奸相楊國忠匿不以聞更以
捷奏今萬人塚尚存

西洱河邊古戰場猶傳天寶列戎行空教白骨成荒
壘不見丹書下夜即日落行人愁遠道月明舊鬼哭
繁霜不知誰佩通侯印千載秋原恨轉長

定西嶺

鐵柱西邊春草肥滿山桃李鬪芳菲崎嶇歷盡崇岡
路風束驚沙上客衣

望畢鉢羅窟

在白崖西山巖壑聳拔十餘丈其下林木蒼
鬱無路可登南詔時有杜老蠻者卽崖而寺
之捫摩崖壁上有獨木橋十餘所木大如指
長三尺或五六尺嶮巖不敢著腳樵子僂捷
者履之而過亦不損折其木非常見之材每
月十五夜換橋一次世傳神仙所爲謂之仙

橋

萬木陰中聽鳥呼懸崖千仞絕樵蘇老蠻已往仙踪
杳可有靈橋在也無

安南關

叢薄映日青野風偏作怒山空易生響濤聲出高樹

九盤山

路乃經千折名猶是九盤車從曲徑轉人在客途難
歷盡羊腸險翻憐蟻曉寬丹梯日登陟直欲上雲端

六里青

祿豐縣西三十五里林木蒼翠山光如沐

花雨紛如雪香霑客袂輕樹皆有春色風不斷濤聲
坡外控弦列山頭擊柝迎

滇中坡嶺設有哨兵每官長過佩弓刀者列迎山頭

瞭望臺皆擊柝

人從天際度冉冉白雲生

過响水關次石刻詩韻

驅車頻過夜郎西石壁詩人有舊題兩壑陰崖蹲虎
豹半空飛瀑掛虹霓但聆碧水偏生韻欲上青天此
是梯便擬餐霞賦招隱山啣落日暮雲低

經安寧郊外見荒塚皆掛紙

郭外塚纍纍皆知掛紙錢風吹多冓草月冷伴啼鵑
客路逢寒食殊方亦禁烟獨憐遊子淚遙灑向南天

春盡

聞道春歸在客先恰逢三日最堪憐鶯啼已老辭

樹乳燕初來覓舊椽
曉逐落花如夢裏
風催飛絮到愁邊
長繩不繫羲和御
坐對芳時一惘然

宿曲江

古道難逢太極泉
畫鳥亭畔憇征鞭
江天欲暮炊烟出
畱下殘陽照客鞍

過翠屏山下

徑轉峯迴日欲斜
短籬開處有人家
行行莫怨春歸去
牆角還畱紅杏花

四月四日寧州道中

雨外孤雲濕不融
山顏滴翠路難窮
春光歸去無多

日肥綠于今已滿叢

江川道中

紫荊花綻臨江處
水面烟生如冒絮
薄暝漁人掛網歸
攜魚競向林間去

觀江邊石壁題詩

一川澄練映山碧
江岸離離眠怪石
壁上何年卻鐫詩
字痕蝕盡莓苔積

過河陽關索嶺

鳥道縈迴歷幾重
丹梯直上又高峯
疎林遠樹帶行客
斜日初啣半壑松

宿晉寧時大雷雨

石棧暝添蠻霧滑。滿山雲氣向人行。天公惱客猶未足。一夜雷轟雨又傾。

太平關

飛霞變山容。白石抱雲氣。驚堠臨危岑。征鑣過還未。

過呈貢

何事馳驅不厭頻。征鞭日日逐黃塵。天涯正有王孫怨。岸草偏隨萬里人。

從滇南北上

憔悴滇南客。今纔別此方。最憐裘早敝。莫怪髣成蒼。

豪興隨年減。離愁與日長。迢迢京國路。猶未是家鄉。

三過望海子

何因頻向此間行。客路鷗鳧也不驚。漁父挈魚沽酒去。渡頭猶有小舟橫。

萬峯行

滇黔到處多層巒。我行日與相迴盤。馬鳴蕭蕭過貴竹。望中祇見萬峯攢。天下之山於此聚。高高下下紛無數。周原何地非雲根。彷彿星羅更碁布。忽如浪湧起。復平馬蹄疑有銀濤傾。有如珠宮蠹孤塔。直上青天不納。或如蛟虬屢矯首。二月雷驚赴壑走。又如

陰崖眠虎豹。四顧悚然殘。夢覺嶙峋奇詭難。形容化
工削出千芙蓉。琪花雖是輸三島。烟霧何嘗讓九龍。
探幽嗟我偏匆遽。前年冬來今夏去。勞人草草車不
停。那得優游最佳處。幾度馳驅不憚頻。離家萬里老
風塵。舉眼空能飽雲壑。只恐山靈還笑人。

雨中行普安道中

昨宵雷雨忽如傾。侵曉征鞭攀磴行。對面有峯因霧
隱。綠崖列樹半烟橫。山中百道泉皆響。隴畔一犁人
並畔。霑足固爲田畯喜。獨憐遊子不勝情。

過雲南坡

鬢已蒼蒼尙好遊。頻馳石棧不知愁。撥雲路入天邊
近。度嶺烟從足下浮。豈爲餐霞臨碧岫。卻疑乘鶴躡
丹丘。小奚笑我何癡絕。每過林巒便欲留。

碧雲洞 在普安州

偏是窮荒多洞天。不煩斧斲自生妍。峽流玉液三溪
合。巖接瓊霄一逕穿。丹竈虛無畱勝蹟。碧雲縹緲挹
飛仙。塵寰擾擾無停晷。對此清幽自灑然。

過阮橋坡

瞻雲亭外淡烟籠。征騎迴旋鳥道中。出峽濤聲喧亂
石。趨涼蟬韻咽輕風。危岑尙有人能到。峭壁疑無路

可通狂態向來卑阮藉肯因飄泊哭途窮

九峯寺小憩

嶺頭高峙雁王宮絕域由來象教通幽谷雲深千嶂
白虛堂僧靜一燈紅樹間風過聞天籟夜半龍吟喚
雨工幾度停鞭恣登眺好收清景入詩中

雨中過芭蕉關

聞道天無三日晴我來恰向雨中行馬愁石滑蹄常
蹶人為衣油步不輕飛霧氣腥憂瘴毒小禽語溜帶
春聲懸崖半壁臨危壑嶮巖頻教過客驚諺云貴州
天無三日

晴地無
三里平

關將軍飲馬池

明萬曆間兵備使者林公立石
嶺上鐫甘泉聖跡四大字本朝

制府蔡公勒且以飲
人四大字于池上

巖畔猶傳漢代池祇憑忠義動人思于今遺跡千年
在泉水涓涓無盡時

湧泉寺

安南衛半嶺江夏程公封鐫鳥道千重
四大字于石上嶺上有寺在飲馬池下

鳥道千重路接天巖間灑灑湧甘泉豐碑猶記征蠻
事蘭若因傳濟眾禪寺僧燒茶
供往來者日晚歸樵容憇足雨

溪旅客漫停鞭山川險絕人如織誰肯安閒伴紫烟

宿安南衛

無心雲尚能歸岫何事征人只浪遊一路野風吹客

急卻難吹散兩眉愁

大願寺

在鐵索橋邊俯瞰盤江

金碧輝煌紺宇開
客遊乘輿一登臺
風吹不斷濤聲
响雨灑常新樹色
迴歷歷山川終古在
紛紛車馬渡江來
浮生悟徹安心法
俯視塵寰總劫灰

過盤江鐵索橋

巖疆天險夙稱雄
傑閣今看夾岸通
百尺飛虹連鐵鎖
半江斜日映琳宮
漫勞虎帳陳師旅
祇見茅檐付祝融

岫傍數十家
新遭回祿

僕馬已疲思駐足
郵亭遙望隔山

中

過象鼻嶺

一望嵯峨勢莫量
亂雲千疊鎖層岡
山當險處雨偏急
馬正疲時路轉長
如此危岑宜罕到
何因征轡不勝忙
自憐老至猶行役
歷盡崎嶇瘴癘鄉

永寧道中

異鄉風景非吾土
此際山行亦復佳
昨日途中初見鼈
今朝嶺下始聞蛙

客滇近三載
覓鼈克磨不可得
昨始于途中見
行者攜之而過

亦從未聞蛙聲
頃過嶺始聞之

蟬鳴葉底濃陰合
山露峯尖淡靄霾
肥綠滿叢相映處
刺藤花發遍層崖

徵遠菴觀瀑

白水河

登峯小憩梵王家日映川光景
嘉碧練翻騰開素錦銀河倒掛耿餘霞
潭中雪捲聞霆鬪石上珠飛見雨花
彷彿錢塘江上過秋潮乍湧泛輕槎

雙明洞 在安莊衛

每對烟霞忘世情
窅然古洞自天成
千峯積翠雲邊出
雙闕凌虛象外清
列石森森羅玉笋
鳴泉細細響銀箏
殊方亦有神仙宅
何必尋真向赤城

喜客泉

俗名聖泉在平壩衛城西

何地不流泉
茲泉獨喜客
偶聞笑語喧
便覺波濤積
鼓吹更沸騰
珠光瀉澄碧
無乃好繁華
終古畱奇迹

石寶寺

嶺半開平壤
屹然湧小山
玲瓏通石竅
獨立無倚攀
其上有積廬
爽氣凌雲間
俯視往來人
何如此中間
新安山行時
雷雨旬餘不止

懸崖直上覺天低
漠漠烟橫古道迷
晴尚難行何況雨
嶺當極峻又臨谿
山腰霧重屯蠻瘴
巖骨泉飛濺馬蹄
旅客正愁石棧滑
那堪雷震似征鼙

雪山關

無限羊腸險
吾生已備嘗
危岑猶在眼
苦雨屢迴腸
瀑掛巖飛雪
雷驚婦插秧
獨憐行役者
泥滑濺征裳

東坡祠

在平定州

窮荒亦是仰眉山坡老祠堂在此間見說黨人猶共憤只言學海欲追攀鳥啼高樹文心靜花落空庭僧夢閒遐想風流足千古白雲漠漠水潺潺

東陵寺

在清平衛城南

馬蹄日日逐黃埃喜見山城古寺來欲向禪關靜塵慮雨聲不斷又轟雷

勝壽寺

在清平衛城南

為愛青山無熱顏客行每喜憇禪關解鞍便向寺中去忙裡還偷半日閑

重安江待渡

一江烟雨暗芙蓉夾岸雙厓隔萬重欲渡無梁舟子傲征鞭那得到前峯

玉峽飛虹

典隆衛十五里許兩山壁立中流飛泉石梁跨之石壁有朱書玉女飛虹

四大字

峭壁色蒼然對峙立兩岸石罅噴飛泉匹練光凌亂行人思利涉石梁駕山半車馬時往來路接峯不斷徐步陟丹梯飄飄入霄漢

蜈蚣關

前山杳無際列岫插青冥日落歸鳥征鞭何處停

鐘鼓洞 在戶溪東

長巖石韻自鏗錚古洞因畱鐘鼓名應響不煩人力
鑄高懸閱盡歲華更天然自有風濤擊鏗爾如聆金
革聲莫道江干太蕭寂往來時見碧雲橫

次辰陽

鯨音閣外山含霧企仰亭前水滿溪行倦喜看城市
近欲眠無那曙鷄啼

彈子洞

風雨東來隱翠屏草深洞口水泠泠心飛故國征鞭
急卻爲尋幽每暫停

雲從洞

蒼峯斷處掛青蘿洞壑陰森雲氣多莫謂無心忘濟
物每因龍起灑恩波

白馬渡

有白馬石水漲則見水消反隱

靈石往時傳白馬征鑣今日涉清流尋真咫尺仙源
路不見桃花出渡頭

崔婆井

在桃源縣西三十里

武陵溪畔崔婆井昔日曾傳仙酒名道士不來人寂
寞碧桃何處紫雲橫

春申君墓

在常德府城開云寺

好客如君誰自高
指揮張老足稱豪
二千珠履今何在
祇見荒墳沒野蒿

司馬錯城

在常德府城西

長城萬里爲防邊
騷動羣黎及楚川
遺恨千年猶未泯
築愁築怨總堪憐

旅行見大水泛漲
漂沒廬舍橋梁
人民多被滄

溺有婦女在臥榻中
隨波浮水面者
武陵十

里鋪行者遇驟水
人馬悉沒不知所之
自黔

至楚不啻千餘里
皆罹水患

時五月下浣

霪雨兼旬不肯休
怒濤奔峽勢難平
楚江本是魚龍

宅黔地多爲鷗鷺洲
傍水屋皆隨浪去
近山人亦逐波流
誰能砥柱狂瀾靜
免使民懷胥溺憂

旅感

客途最苦是書生
落落孤踪世所輕
彈鋏更須行漢面
停鞭只聽說官名
一盂粗糲隨人飽
匹馬咨且逐隊行
總遇馬周原不識
誰言到處有逢迎

澧州道中

風翻翠蓋舞江隈
屬玉逢人也不猜
時有清香來馬
上水田一派藕花開

讀書臺

李群玉讀書處在澧州西北二十八里

文山詩擅古今才楚水猶舊遺蹟來
寂寞吟魂何處去可能還向讀書臺

章華臺

在荊州府城外沙市

侈麗由來易名殃章華行樂可曾長
靈王當日經營此豈料熊蹯不及嘗

仲宣樓

在荊門州卽當陽縣城樓

傑閣猶傳王粲樓丹雘碧瓦倚城頭
楚山不改詩在見溪水無情日夜流
遙溯雄圖空說魏可憐賦客漫依劉
經過不覺悲陳迹落日荒荒發旅愁

峴山

遙睇高岑動客思峴山如舊有遺蹟
於今典午成陳迹猶說當年墮淚時

行經漢光武帝故里

去南陽府百里許新野縣道中見豐碑二一鐫貴人

鄉一鐫漢光武帝故里

手提三尺定羣雄真主經綸自不同
更始見疑成底事王卽徒亂竟終窮
豐碑鄉以貴人著故里名因天子崇
父老至今傳在蹟猶言長厚有遺風

臥龍岡

高臥南陽道自尊馳驅欲報漢家恩
草廬一出三分定盡瘁猶屯五丈原

過宋陵作

嵩山北麓洛川東
廢塚荒荒落照中
金盃玉魚消息斷
更誰灑淚向西風

宋人過陵詩有云四十年來無一事西風吹淚過昭陵

鄭州道中

夾道青青蔭綠楊
芊綿芳草繞池塘
誰家翠幙蝦鬚捲
紅袖窺人露半妝

渡黃河

年來幾度涉滄波
行止由天奈若何
萬里未歸鄉夢遠
又攜書劍過黃河

梳妝臺

衛輝府城外

綺閣高臨古道傍
曾傳椒寢此梳妝
卻爲今日壺觴地
無復當年粉黛香
鸞鏡已隨人去遠
玳梁空惹燕飛忙
含情只有舊時月
猶照臺前芳草塘

銅雀臺

彰德府臨彰縣治西

漳水流何急
荒臺空自高
誰來歌總帳
無復響雲璈
進酒疇爲樂
分香徒爾勞
西陵原上樹
憔悴長蓬蒿
過趙襄王故國

路入邯鄲口
暮時荒丘猶臥趙
襄碑當年城郭知
何處惟有烏啼滿樹枝

盧生祠

利名擾擾幾時閒明眼應

關收拾百年歸一

枕尚畱消息向人問

經馮唐故里

漢世賢才滿廟廊如公雖老幸為郎經過故里堪
張惡客而今鬢已蒼

題詞

唐人以王摩詰詩為詩中之王其他如昌黎郊島
皆為別調則詩道正鋒從可知矣次厚之詩清新
婉麗氣體貴秀淡得溫柔敦厚之遺昔禘示有天
生王子功勳王子之喻蓋其間氣特鍾逸倫絕羣
處有非儉父笨伯所可跂及者耳

叔祖八鼻有枚氏識

